

Nawae Najam kêtôm MARKA KETO

Nawae Najam kêtôm Marka Keto kêtû “Jesu Kilisi, Anôtônê Latu, nê Nawae Najam,” tec enj gêwa Jesu sa gebe ñac têkwa saki gégôm kôm ñadôbgenj ma amboac ñatau enj. Gégôm gênj amboac ñatau enj nec, kêtû awê kêpi biñ enj kédôñ-kédôñ nanj, ma kêpi nê ñaclai, tanj kêtij ñalau sec ña awagenj ma kêsuc launêñ sec ôkwi nanj. Jesu kêsam tau gebe Ñamalacnê Latu enj gêwiñ, tanj gêmênj gebe êkênj tau gebe êñgamboac lau su anja sec ñañaclai.

Marka keto Jesunê minj gêc awê solop, keto kêtû wakac. Enj kêwaka kôm Jesu gégôm nanj sa kélêlêc biñ enj kêsôm to kédôñ lauñ nanj. Gêjac m Nawae Najam tau keto biñ dambêgenj kêpi ñackêsagu Joan ma kêpi Jesu gêlinj sanju to Sadañ kêlêtôm enj nanña ma gacgtenj gelom Jesu gégôm gêmac ñajam kêsma ma gêjam mêtê lau ñasakinj tau. Malôgenj acgom, go lau, tê tédaguc Jesu nê, nêñ kauc kêsma-kêsma kêpi enj ma ênê soño-soño sêkênj kisa enj ñandanj kêsma. Marka gêjac Jesunê woke ñamuña, tanj sêjac enj kêpi ka ma enj gêdi sa anja ñacmatênênj ñaminj gêc môkêlatu ñamuña.

Nadênanj

1. Gêjac m Nawae Najam tau 1:1-13
2. Jesu gêjam mêtê gêmoa Galilaia 1:14–9:50
3. Anja Galilaia gêja Jerusalem 10:1-52
4. Jesunê woke ñamuña anja Jerusalem to malac, tanj gêc malac tau ñagala nanj 11:1–15:47
5. Jesu gêdi sa anja ñaematênj 16:1-8

6. Apômtau gêdi sa su jageoc tau lasê ma kêpi undambê gêja 16:9-20

Nackêsagu Joaņ gêjam mêtê

(Mat 3:1-12; Luk 3:1-18; Joaņ 1:19-30)

¹ Jesu Kilisi, Anôtônê Latu, nê nawae najam tonec.

² Njawae njam tau gêjac m kêtôm propete Jesaia keto gebe

“Ôlic acgom, Anôtônê biņ tau tonec, aê jasakiņ ņoc ņacjaeņ êmuņ aôm naêmansaņ nêm intêna.

³ Nac teņ gêmôêc awa tonec gêmoa gamêņ sawa gebe

‘Amansaņ gamêņ Apômtau êsêlêņja to amêtôc ênê intêna êtu solop.’ ”

⁴ Nackêsagu Joaņ gêô lasê gamêņ sawa ma kêsagu lau to gêjam mêtê êsêac gebe “Anam taôm ôkwi to aliņ sanġu ma Anôtô êsuc nêm sec ôkwi.”

⁵ Tec lau gamêņ Judaiaņa to lau Jerusalemņa samob sêsa dêdêņ eņ sêja ma seoc nêņ sec lasê, go kêsagu êsêac aņga bu Jordan.

⁶ Ma Joaņ kêsô bôc kamele ņaôlilu, taņ sêwa kêtu obo naņ, to kêjandiņ ômbiņkap bôc ņaôlic gêc dambêpalê ma geņ wagô to lêp kêtu nê mo.

⁷ Ma gêjam mêtê gebe “Nac teņ oc êndaņguc aê, naņ ņaclai kêlêlêc aê su. Aê oc jatôm gebe jatu ênê ataliwaga atom.

⁸ Aê tec kasagu amac ņa bu ma eņ oc ênsaņgu amac ņa Njalau Dabuņ.”

Jesu gêliņ sanġu

(Mat 3:13-17; Luk 3:21-22)

⁹ Gêdêñ tonañ Jesu anğa Nasaret Galilaiña gêja ma Joaņ kêsagu eñ anğa Jordan.

¹⁰ Jesu kêpi anğa bu gêmêñ e gêlic undambê gêña ma Nalau Dabuñ amboac balôsi kêsêp mêngêsac eñ ñaô.

¹¹ Ma awa tenğ kêsä anğa undambê gebe “Aêñoc Latuc aôm, tec têtac gêwiñ aôm ma galic aôm ñajam.”

Sadañ kêlêtôm Jesu

(Mat 4:1-11; Luk 4:1-13)

¹² Ma Nalau Dabuñ kêkac Jesu gacgeñ kêsä gamêñ sawa gêja.

¹³ Gêmoa gamêñ sawa bêc 40 ma Sadañ kêlêtôm eñ, ma gêmoa gêwiñ bôc salenña, mago anğela sêjam sakiñ eñ.

Jesu gêjac m nê kôm mêtêña anğa Galilaia

(Mat 4:12-17; Luk 4:14-15)

¹⁴ Êsêac sêkôc Joaņ tônia su acgom, go Jesu gêja Galilaia jagêjam mêtê kêpi Anôtônê ñawae ñajam

¹⁵ gebe “Noc tau mênkêsä ma Anôtônê gamêñ kêdabinğ. Amboac tonañ anam taôm ôkwi ma akêñ êwiñ ñawae ñajam tau.”

Jesu kêkalem lau iña aclê

(Mat 4:18-22; Luk 5:1-11)

¹⁶ Jesu kêsêlêñ gêmoa bugêjactonğ Galilaiña e gêlic Simon agêc lasi Andrea sêkêñ wasañ sêmoa gebe êsêagêc ñac ulu iña.

¹⁷ Tec Jesu kêsôm gêdêñ êsêagêc gebe “Andanğuc aê ma oc jakêñ amagêc alô ñamalac.”

¹⁸ Tec gacgeñ dedec nêñ wasañ gêcña ma têdaguc eñ.

¹⁹ Gêwi gamêṅ tau siṅ ma kêsêlêṅ gêja ec saunṅen ma gêlic Sebedai latui Jakobo agêc lasi Joan sêbênôc wasaṅ sêṅgôn waṅ.

²⁰ E gacṅen gêmôêc êsêagêc ma sêwi tamenṅi Sebedai to nê kômwaga siṅ sêṅgôn waṅ ma têdaguc Jesu sêja.

*Nac toṅalau sec
(Luk 4:31-37)*

²¹ Anṅa tonanṅ jasêsa Kapanaum ma gêdêṅ sabat Jesu gacṅen kêsô lôm jakedônṅ lau

²² e êsêac têtakê kêtû ênê mêtêṅa, gebe eṅ kêdônṅ êsêac kêtôm biṅsutau atom, kêdônṅ êsêac kêtôm ṅac toṅaclai tenṅ.

²³ Gêdêṅ tonanṅ ṅac toṅalau ṅatêmui tenṅ gêṅgônṅ nêṅ lôm, naṅ gêmôêc gebe

²⁴ “Jesu Nasaretṅa, aêacnêṅ asagenṅ ṅagêdo gêdêṅ taunṅ. Aôm gômôêṅ gebe onsenṅ aêac su me. Aê kajala aômṅac, Anôtônê ṅac dabunṅ aôm.”

²⁵ Ma Jesu gec biṅ eṅ gebe “Awammê êsa ma ôsa anṅa ênê ôna.”

²⁶ Ma ṅalau ṅatêmui kêmônṅaṅ eṅ e kêwakic kapôêṅ, go kêsa anṅa ênê gêja.

²⁷ Ma lau samob selendec ṅanô e têtû kênac gêdêṅ taunṅ gebe “Gêṅ tonec amboac ondóc, mêtê wakuc-goc. Eṅ kêjatu ṅalau ṅatêmui toṅaclaigenṅ ma tanenṅ wamu eṅ.”

²⁸ Ma gacṅen ênê wae kêsa kêtôm Galilaia ṅagamêṅ samob gêjam aucṅen gêja.

*Jesu gêgôm lau taêsam ôlinṅ ṅajam kêsa
(Mat 8:14-17; Luk 4:38-41)*

²⁹ Ma êsêac sêsa anṅa lôm mênṅsêpi Simon agêc Andrea nêṅ andu sêja, ma Jakobo agêc Joan sêwinṅ.

³⁰ Ma Simon lawao gêmác ôli ñawajaô kapôênj gêc, tec gacgenj sêsôm enj ñawae gêdênj Jesu.

³¹ Tec Jesu gêja e kékôc enj sa e ñawajaô gêwi enj sinj ma gêjam sakinj êsêac.

³² Kêtula gêdênj oc jakêsêp êsêac sejonj lau gêmác samob ma lau tonjalau sec samob dêdênj Jesu sêja.

³³ Lau malac tonanña samob sêkac sa jasêkô katamña.

³⁴ Ma enj gêgôm lau gêmác tokainj-tokainj taêsam ôlinj ñajam kêsa ma kêtinj ñalau sec taêsam su ma gêjac jao ñalau sec gebe sêsôm binj atom, gebe êsêac sêjala engac.

Jesu gêjam mêtê gêmoa Galilaia

(Luk 4:42-44)

³⁵ Ma gêdênj bêbêc kanucgenj Jesu gêdi gêja gamênj sawa tenj jaketenj mec gêmoa nê taunja.

³⁶ Go Simon to êsêac, tanj sêwinj enj nanj, têdaguc enj

³⁷ e têtap enj sa ma sêsôm gêdênj enj gebe “Lau samob sêsôm aôm.”

³⁸ Ma enj kêsôm gêdênj êsêac gebe “Tana malac ñagêdô anja ônêña êwinjmanj najanam mêtê êsêac anja ônêña amboac tonanj, gebe aê gajac kôm tonecgenj ñawae tec gamênj.”

³⁹ Amboac tonanj enj gêjam mêtê kêtôm lôm Galilaiana samob ma kêtinj ñalau sec su.

Jesu gêgôm ñac tokamobôm ôli kêtú selec

(Mat 8:2-4; Luk 5:12-16)

⁴⁰ Ñac tokamobôm gêdênj Jesu gêja kêpônj aduc ma kêsôm gêdênj enj gebe “Embe têmtac êwinj, nanj ôngôm aê jatu selec.”

⁴¹ Jesu taê walô enj tec kêmetôc lêma jakêmoasac enj ma kêsôm gêdênj enj gebe, “Aê gabe ôtu selec.”

⁴² Ma gacgen kamocbôm gêwi en sin ma ôli kêtú selec.

⁴³ Go Jesu kêmasuc en gacgen kêsa gêja

⁴⁴ ma kêsôm gédên en gebe “Ôlic acgom, ôtu awê êndên lau ten atom, naôtôc taôm êndên dêbuŋwaga ma ôkên da êtu kêtú selecŋa êtôm Mose kêjatu, gebe êwaka nêmin biŋ sa êndên êsêac.”

⁴⁵ Mago en kêsa gêja e gêjac tau nê min topalêgen ma gégôm biŋ tau kêtú tapa. Tec Jesu jakêsa malac samob gêmoa awêgen kêtôm gêmunŋa kêtiam atom, go gêjam tau susu gêmoa ŋamagêgen ma lau ŋga malac gêdô-gêdô dédên en sêja-sêja.

2

*Jesu gégôm ŋac natêkwa kêtú golon ôli ŋajam kêsa
(Mat 9:1-8; Luk 5:17-26)*

¹ Bêc ŋagêdô gêjaŋa acgom, go Jesu gêja Kapanaum kêtiam ma êsêac sênô en ŋawae gebe gêngôn nê andu.

² Ma lau taêsam sêkac taun sa jasêpô en ŋênôma ma sêkô katam dêmôêŋa gêwiŋ, go en gêjam mêtê êsêac.

³ Gêjam mêtê gêmoa ma sêkôc ŋac ten ŋatêkwa kêtú golon dédên en sêja. Lau aclê sêbalan en.

⁴ Lau taêsam sêkô êsêac auc ma sêgôm gênlêlôm sebe nasêsa Jesu ŋagala elê mê, tec sêkac andu ŋasalôm sa kêkanôn ŋan Jesu kêkô nan, go sêlêwan ŋac ŋatêkwa kêtú golon tonan tomêgen kêsêp gêja.

⁵ Jesu gêlic êsêac sêkên gêwiŋ, tec kêsôm gédên ŋac ŋatêkwa kêtú golon gebe “Latucenec, aê kasuc aômnêmin sec ôkwi su.”

⁶ Ma biŋsutau ŋagêdô, taŋ sêngôn tonan sêwiŋ nan, taên gêjam gêc nêŋ ŋalêlôm gebe

⁷ “Nac tonec kêsôm biñ amboac ondoc. En kêsôm biñ alôb-alôb. Asa kêtôm gebe êsuc sec ôkwi. Anôtô taugenj.”

⁸ Tec Jesunê kauc kêtap bi ñ, tañ taên gêjam gêc nêñ ñalêlôm nañ sa, ma kêsôm gêdênj êsêac gebe “Asagenj amac taêm gêjam biñ amboac tonañ gêc nêñ ñalêlôm.

⁹ Biñ ondoc tasôm ñagaô êndênj ñac ñatêkwa kêtú golonj. Tasôm tonec gebe ‘Aê kasuc aômñem sec ôkwi’ nec, me tasôm gebe ‘Ôndi sa, ôluñ nêñ mê sa ma ôsêlênj.’

¹⁰ Ma aê gabe amac ajala gebe Ñamalacnê Latu kêtú ñatau anja nom gebe êsuc sec ôkwi.” Go kêsôm gêdênj ñac ñatêkwa kêtú golonj gebe

¹¹ “Aê jasôm andênj aôm gebe Ôndi sa, ôluñ nêñ mê sa ma ôêc ôna nêñ andu.”

¹² Nac tau gêdi sa gacgenj e kêluñ nê mê sa ma kêsa gêja, samob sêlic enj e têtakê ñanô ma sêlambij Anôtô gebe “Aêac alic gênj tej amboac tonec atom-anô.”

Jesu kêkalem Lewi

(Mat 9:9-13; Luk 5:27-32)

¹³ Go Jesu kêsa bugêjactonj gêja kêtiam ma lau samob dêdênj enj sêja jakêdônj êsêac.

¹⁴ Go kêsêlênj ma gêlic Alpai latu Lewi gêngônj telonj malenj. Tec kêsôm gêdênj enj gebe, “Ôndanjuc aê.” Lewi gêdi kêdaguc enj gêja.

¹⁵ Jesu genj gênj gêngônj ênê andu, ma telonj to lau sec taêsam, tañ têdaguc enj nañ, sêngônj sêwiñ Jesu to nê ñacseñomi.

¹⁶ Parisainênj binsutau ñagêdô sêlic enj genj gênj gêngônj gêwiñ lau sec to telonj, tec têtú kênac ênê

ņasceņomi gebe “Eņ geņ to gēnôm gēņ gēņgônj gēwiņ telonj to lau sec kētu asageņņa.”

17 Jesu gēņô tec gējô êsêac aweņ gebe “Lau ôliņ ņajam sêpô lêna tauņ kētu doktaņa atom. Mago lau togêmac tec sêpô lêna. Aê gamêņ gabe jakalem lau gêdêņ atom, jakalem lau secgeņ.”

*Bij tanam dabuņ moņa
(Mat 9:14-17; Luk 5:33-39)*

18 Joaņnêņasceņomi to Parisai sêjam dabuņ mo. Tec lau ņagêdô dêdêņ Jesu sêja tētu kênac eņ gebe, “Kētu ageņņa Joaņnêņasceņomi to Parisainêņņasceņomi sêjam dabuņ mo, mago aômņēmņasceņomi masi.”

19 Ma Jesu kêsôm gêdêņ êsêac gebe “Lau embe sêniņ awê ņamoasiņ ma ņac-ênamawêwaga êmoa êwiņ êsêac, oc sênam dabuņ mo me. ņac-ênamawêwaga embe emôa êwiņ êsêac, oc sênam dabuņ mo atom.

20 Mago ņabêc oc mênêsa ma sêkôc ņac-ênamawêwaga su aņga êsêacnêņ, naņgo êsêac sênam dabuņ mo êndêņ bêc tonaj.

21 “ņac teņ oc êsi obo ņatali wakuc êpi ņakwê laņgwa atom, gebe ņatali wakuc oc êôc ņakwê êņgic, wakuc êkac su aņga laņgwa ma êkac kalalac e êtu sec samucgeņ.

22 Ma teņ oc êkêc wain wakuc êsêp bôc ņaôlic laņgwa atom. Embe sêņgôm, oc wain êôc ņaôlic êpoa e êtaiņ ênaņa ma ņaôlic tau êtu sec amboac tonaj. Wain wakuc sêkêņ êsêp ņaôlic wakuc.”

*ņacsceņomi sesolop polom ņanô gedenj sabat
(Mat 12:1-8; Luk 6:1-5)*

²³ Gêdêñ sabat teñ Jesu kêsêlêñ gêmoa kôm polom-ña ñalêlôm ma nê ñacseñomi sêsêlêñ sêwiñ ma sesolop polom ñanô.

²⁴ Tec Parisai sêsôm gêdêñ eñ gebe “Gôlicgac me, êsêac sêgôm gêñ, tañ tatôm gebe dangôm êndêñ sabatña atom.”

²⁵ Ma eñ kêsôm gêdêñ êsêac gebe “Biñ tañ Dawid gêgôm gêdêñ gêmoa jageo ma mo gêjô eñ to nê lau nañ, asam atom me.

²⁶ Eñ kêsô Anôtônê andu gêdêñ ñac dabuñsêga Abiatar nê têm jageñ polom, tañ sêkêñ gêdêñ Anôtô kêtü da ma sêjac jao gebe lau sêniñ atom, dabuñwaga taungeñ, ma kêkêñ gêdêñ lau, tañ sêwiñ eñ nañ, señ amboac tonangeñ.”

²⁷ Ma kêsôm gêdêñ êsêac gebe “Anôtô kêkêñ sabat kêtü ñamalacña, eñ kêkêñ ñamalac kêtü sabatña atom.

²⁸ Amboac tonañ Ñamalacnê Latu kêtü sabat ñatau gêwiñ.”

3

*Ñac lêma kêtü golonê biñ
(Mat 12:9-14; Luk 6:6-11)*

¹ Jesu kêsô lôm kêtiam ma ñac teñ gêmoa tonañ, tañ lêma kêtü golon.

² Tec êsêac dêdib Jesu gebe moae êngôm eñ ôli ñajam êsa êndêñ sabat, gebe êsêac sebe sêngôlin biñ êpi eñ.

³ Ma eñ kêsôm gêdêñ ñac lêma kêtü golon gebe “Ôsa ômôêñ.”

⁴ Go kêsôm gêdêñ êsêac gebe “Tatôm gebe ta-moasiñ lau me dangôm êsêac sec êndêñ sabat.

Tanam katun sa me dansen su.” E êsêac sêjam taun tòn.

⁵ Tec enj têtac nandan ma mata gê êsêac gelom-gelom e nê nalêlôm nawapac kêtû êsêac têtac nadanina, go kêsôm gêdênj nac tau gebe “Ômêtôc lêmam.” Tec enj kêmêtôc lêma e najam kêsâ kêtiam.

⁶ Parisai sêsa e jagacgej sêwiñ Herodonê lau ma sêkic Jesunê binj gebe sensen enj su.

Lau taêsam sêkac sa semoa bugêjactonj

⁷ Go Jesu to nê nacsenomi têtainj taun su sêsa bugêjactonj sêja, ma lau taêsam anja Galilaia to Judaia

⁸ ma anja Jerusalem to Idumaia ma anja Jordan namakenj ônêna ma anja Turu to Sidon naganênj nagêdô têdaguc enj sêja. Lau taêsam, tanj sênô enj gêgôm gên samob nawae, tec dêdênj enj sêja.

⁹ Ma enj kêsôm gêdênj nê nacsenomi gebe sêmansanj wanj saunj tenj êtu enja, gebe lau sêkapij enj sa atom.

¹⁰ Enj gêgôm lau taêsam ôlinj najam kêsâ, ma êsêac, tanj nandanj totau-totau gêgôm êsêac nanj, sêsêli-sêsêli lau dêdênj enj sêja sebe sêmoasac enj.

¹¹ Nalau natêmui sêlic enj e sêu taunj sêc enj lanjônêmna ma sêmôêc gebe “Anôtônê Latu aôm.”

¹² Tec enj kêbaob êsêac najanja, gebe sêsôm enj lasê atom.

Jesu kêjalij nê aposolo 12 sa

(Mat 10:1-4; Luk 6:12-16)

¹³ Go kêpi gamênj nabau gêja ma gêmôêc êsêac, tanj nê nalêlôm kepej êsêac nanj, dêdênj enj sêja.

¹⁴ Ma Jesu kêjalij êsêac 12 sa ma kêsôm gêdênj êsêac gebe “Amoa awiñ aê e jasakij amac anam mêtê lau

15 to jakêñ ñaclai êndêñ amac gebe atij ñalau sec.”

16 Enj kêjalij êsêac 12 tonañ sa ma gê Simonnê ñaê gebe Petere

17 ma Sebedai latuagêc Jakobo agêc Joañ, tañ gê êsêagêcnêñ ñaê gebe Boaneges, ñam gebe Wapap latuagêc,

18 ma Andrea agêc Pilip, ma Batolomai agêc Matai, ma Tom agêc Alpai latu Jakobo, ma Tadaï agêc Simon Kanaanña

19 ma Juda Isariot, tañ geoc Jesu lasê.

Jesu ma Belsebul

(Mat 12:22-32; Luk 11:14-23; 12:10)

20 Ma Jesu gêmu gêja nê andu, ma lau sêkac sa sêpi tagenj kêtiam, tec enj to nê ñacsenjomï sebe sêniñ gêñ e sêgôm jageo.

21 Ênê lau sêñô ma sêsa sebe sêkôc enj tônia sêsôm sebe “Gêñ teñ gêgôm enj”.

22 Ma biñsutau, tañ anña Jerusalem sêsêp sêmên nan, sêsôm gebe “Belsebul gêwiñ enj, tec kêtij ñalau sec ña ñalau sec nêñ kasêga.”

23 Amboac tonañ enj kêkalem êsêac sa ma kêsôm kêtü biñgôlinj gêdêñ êsêac gebe “Sadanj oc êtiñ Sadanj amboac ondôc.

24 Gamêñ teñ embe êwa tau êkôc, oc gamêñ tonañ ênêc êtôm atom.

25 Ma gôlôac teñ embe sêwa taunj êkôc, oc gôlôac tonañ sêmoa êtôm atom.

26 Ma Sadanj embe êkêñ kisa êndêñ tau e êwa tau êkôc, oc êmoa êtôm atom, êtu ñacgêbac.

27 “Mago ñac teñ êsô ñac ñajaanña teñ nê andu naêjanjo ênê waba su atom. Enj ênsô ñac ñajaanña tau tônia êmuñ acgom, go êjanjo ênê waba.

28 “Biññanô, aê jasôm êndêñ amac gebe Njamac latunji nêñ sec samob to nêñ biñ alôb-alôb, tañ sêsôm-sêsôm nan, Anôtô oc êsuc ôkwi.

29 Mago ñac teñ embe êsôm biñ alôb-alôb êpi Njalu Dabuñ, oc sêsuc sec tau ôkwi atomanô. Sec êsap en tôñ ênêc tengeñ.”

30 Êsêac sêsôm gebe “Njalu ñatêmui gêgôm en,” tec Jesu kêsôm biñ tonan.

Jesu têna to lasii ñanô

(Mat 12:46-50; Luk 8:19-21)

31 Ma Jesu têna to lasii mênşêkô dêmôêña ma sêkêñ lau jasêmôêc en.

32 Lau sêgi en auc sêngôn ma êsêac sêsôm gêdêñ en gebe “Gôlicgac me, tênam to lasimi tec sêsôm aôm sêmoa dêmôêña.”

33 Tec Jesu gêjô êsêac awen gebe “Tinoc to lasici asa lau.”

34 Go mata gaôc lau, tañ sêgi en auc sanğôn nan, ma kêsôm gebe “Alic acgom, aê tinoc to lasici tau tonoc.

35 Lau tañ sêmasañ Anôtônê biñ, lau tonan têtü lasicio to ñac ma tinoc.” *

4

Biñğolin ñac kêpalip ñawêña

(Mat 13:1-9; Luk 8:4-8)

1 Go Jesu gêmu jagêjac m kêdôn êsêac gêngôn ambêô kêtiam. Lau taêsam sêkac sa dêdêñ en sêja, tec kêpi wañ teñ jagêngôn. Sêsu wañ su jakêpoac ma lau samob sêmoa bau e gêdêñ butali.

* 3:35: Sadañê ñaê teñ. (Alic Mat 10:25)

² Ma kêsôm biñ taêsam gêdêñ êsêac gêjam kêtú biñgôliñgeñ. Ma kêsôm kêsêp nê mêtê gêdêñ êsêac gebe

³ “Akêñ tañem acgom. Alic acgom, ñac-kêpalip-ñawêwaga teñ kêsá gêja gebe êpalip nê ñawê.

⁴ Kêpalip gêmoa e ñagêdô kêsêp intêna, tec moc mênseñ su.

⁵ Ma ñawê ñagêdô kêsêp nompoc, nañ nom ñalêsi gêc atom. Tec gacgeñ kêpoa gebe kêsêp nomlêlôm gêja atom.

⁶ E oc kêpi ma kêsêgô e kêtú masê gebe ñawakac keseleñ kêsêp gêja atom.

⁷ Ma ñagêdô kêsêp êcmôkê, ma êc kêpoa e gejoñ êndu ma gêjam ñanô atom.

⁸ Ma ñagêdô kêsêp nom ñajam, tec kêpi to kesewec ma gêjam ñanô ñajam. Teñ gêjam 30, teñ 60, ma teñ 100.”

⁹ Ma kêsôm gebe “Ñac teñ nê tañasun embe ênêc, nañ êñômañ.”

Jesunê biñgôliñ ñam

(Mat 13:10-17; Luk 8:9-10)

¹⁰ Ma gêdêñ tañ eñ gêmoa taunja nañ, êsêac tañ sêwiñ eñ to êsêac 12 têtú kênac eñ kêtú biñgôliñ taunja.

¹¹ Ma eñ kêsôm gêdêñ êsêac gebe “Amac atap Anôtônê gamêñ ñabiñ ñalêlômña tônê sa, mago êsêac, tañ sêmoa dêmôêña nañ, sêñô biñ samob êtu biñgôliñgeñ

¹² gebe

‘Êsêac sêlic amboac sêlic ma sêjala atom
to sêñô amboac sêñô ma nêñ kauc êsa atom,

gebe sênam tauŋ ôkwi atom ma nêŋ sec ênaŋa atom.’ ”

*Jesu gêwa biŋgôliŋ ŋac kêpalip ŋaweŋa ŋam sa
(Mat 13:18-23; Luk 8:11-15)*

¹³ Go kêsôm gêdêŋ êsêac gebe “Amac ajala biŋgôliŋ tônê ŋam atom, ma oc ajala biŋgôliŋ ŋagêdô samob ŋam amboac ondod.

¹⁴ Ŋac-kêpalip-ŋawêwaga naŋ kêpalip mêtê.

¹⁵ Lau taŋ sêsêp intêna naŋ amboac tonec gebe sêpalip mêtê kêsêp êsêacnêŋ ŋalêlôm ma êndêŋ taŋ sêŋô naŋ e gacgeŋ Sadaŋ mênêjaŋgo mêtê, taŋ sêpalip kêsêp êsêacnêŋ ŋalêlôm naŋ su.

¹⁶ Ma tonec têtôm êsêac, taŋ sêpalip kêsêp nom-poc naŋ gebe Gêdêŋ taŋ sêŋô mêtê naŋ e gacgeŋ sêkôc sa totêntac ŋajamgeŋ.

¹⁷ Mago êsêacnêŋ ŋawakac jagêjam atom. Êsêac lau daiŋ-daiŋ. Embe gêŋ wapac êtap êsêac sa me sêjanda êsêac êtu mêtêŋa, oc gacgeŋ sêwi siŋ.

¹⁸ Ma ŋagêdô, taŋ sêpalip kêsêp êcmôkê naŋ, têtôm êsêac, taŋ sêŋô biŋ

¹⁹ ma gêŋlêlôm-lêlôm nomŋa to lêtôm awêŋa ma têtac kalac gêŋ ŋagêdôŋa ejoŋ biŋ tau êndu ma sênam ŋanô atom.

²⁰ Ma ônaŋ sêpalip kêsêp nom ŋajam têtôm êsêac, taŋ sêŋô biŋ to sêkôc sa ma sêjam ŋanô, ŋagêdô 30, ŋagêdô 60, ŋagêdô 100.”

*Lamp kêkô suc ŋalêlôm
(Luk 8:16-18)*

²¹ Ma Jesu kêsôm gêdêŋ êsêac gebe “Sêkôc lamp sêmêŋ gebe sêŋgênduc ŋa suc auc me sêkêŋ êsô pôpô ŋalabu me masi. Me sêkôc lamp sêmêŋ gebe sêkêŋ êkô jakaiŋ ŋaô.

22 Gêñ samob, tañ kêsiñ tau nañ, oc sêkêñ êsa awê samob. Ma gêñ samob, tañ gêc ñalêlômgenñ nañ, oc êtu awê samob.

23 Ñac teñ nê tañasuñ êñôña embe ênêc, nañ êñômañ.”

24 Go kêsôm gêdêñ êsêac gebe “Gêñ tañ amac añô nañ, taêm ênam. Dôn tañ anam dôn lau nañ, Anôtô oc ênam dôn amac, ma oc ênsalê ñagêdô êlêlêc amacnêm êndêñ amac êwiñ.

25 Ñac tañ nê gêñ gêc nañ, êtap ñagêdô sa naêwiñ. Ma ñac tañ nê gêñ masi nañ, sêkôc ñakêsu, tañ gêc eñña nañ, su amboac tonanğen.”

Bingôliñ kêpi ñawê tau kêpoaña

26 Ma Jesu kêsôm gebe “Anôtônê gamêñ amboac ñamalac teñ gêjac ñawê kêsêp kôm,

27 go gêc nê bêc gêdêñ gêbêc ma gêdi sa gêdêñ geleñña, ma ñawê tau kêpoa e kêtú kapôênñ nañ ñam eñ gêjam kauc.

28 Nom tau gêjam ñakôm, ñakaiñ kêtú ñamata, go ñaola, gocgo ñanô gêjac têc auc.

29 Ma êndêñ tañ ñanô êtu gagwenñ nañ, ñatau gacgenñ êsakiñ bôjañ jalô êna gebe noc sênac gêñ ñanô saña mênkêsa.”

Bingôliñ gêmêc ñawêña

(Mat 13:31-32; Luk 13:18-19)

30 Go kêsôm gebe “Aêac tanam dôn Anôtônê gamêñ êpi asagenñ ma tanam bingôliñ ondoc êpi.

31 Kêtôm gêmêc ñawê. Embe tapalip êsêp kôm, oc talic ñasec-ñasec kêtôm gêñ ñagêdô ñamatu atom. Gêñ tau sauñanô.

³² Mago tapalip êsêp nom acgom, go êpi e êlêlêc gêñ tolaun samob su ma etoc laka kapôênj, go moc umbonj ñalabuña sênam sac sêngônj ñaajunj.”

³³ Enj kêsôm biñ tau gêdêñ êsêac gêjam kêtú biñgôlinj taêsam kêtôm sêjalaña.

³⁴ Ma kêsôm biñ teñ kêsá awê gêdêñ êsêac atom, kêsôm kêtú biñgôlinjenj e êsêac to nê ñacsenjomi sêmoa tauñña acgom, go gêwa biñ samob sa gêdêñ êsêac.

Jesu kêsôm mutêna kêtú malô

(Mat 8:23-27; Luk 8:22-25)

³⁵ Gêdêñ bêc tonanj ñakêtulala Jesu kêsôm gêdêñ êsêac gebe “Tanac êngic tana ñamakenj ônêña.”

³⁶ Sêwi lau sinj ma sêkôc enj toônjenj sêja wanj ma wanj ñagêdô sêwiñ enj.

³⁷ Gêdêñ tonanj mu gêbuc kêtú têna e ñadembom kêsâlê wanj auc ma landôm jagodoc-jagodoc.

³⁸ Ma enj tau nanj gedenj kwalim ma gêc bêc gêc wanjuña, tec jasêñu enj ma sêsôm gêdêñ enj gebe “Mêtêmôkê, aôm gôlic oc tanaña necgac me.”

³⁹ Tec enj mata gêlac ma gec biñ mu ma kêsôm gêdêñ ñadembom gebe “Jamañjenj ma ônam taôm tôñ.” Ma mu kêtú malô to bônônj kêsêp e kênôma.

⁴⁰ Go Jesu kêsôm gêdêñ êsêac gebe “Amac matem golec asagenña. Amac akêñ gêwiñ atom me.”

⁴¹ Êsêac têtêc tauñ ñanô ma sêsôm gêdêñ tauñ gebe “Ñac tonec asa, tec mu to ñadembom tanej wamu gêdêñ enj nec.”

5

Jesu gêgôm ñac toñalau natêmui ôli ñajam kêsá

(Mat 8:28-34; Luk 8:26-39)

1 Êsêac jasêsô lau Gadarene nêj gamêj anja bugêjactonj ñamakenj ônêja.

2 Ma gêdêj tanj enj kêsêp anja wanj nanj, e gacgenj ñac tenj tonjalau ñatêmui kêsa anja sêô jagêdac enj.

3 Ñac tau gêmoa gamêj sêôja ma lau tenj têtôm gebe sênsô enj tøj atom, sêsô enj ña kapoacwalô, mago kêtôm atom amboac tonanj.

4 Sêsô enj akainj tøj to sêbôêj enj ña kapoacwalô kêtû dim taêsam, mago kêmônaj kapoacwalô tulu to kêlêsaj Iêpoa gêngic ma lau tenj nêj ñaclai kêtôm gebe sênam enj tøjja atom.

5 Kêtôm bêc to gelenjenj enj gêmoa sêô to lôc gedenj tøjgenj ma kêwakic to kêtuc tau ña poc.

6 Ñac tau gêlic Jesu kêsa jaêcgenj ma kêlêti jakêpônj aduc gêdêj enj

7 ma gêmôêc awa kapôêj gebe “Lôlôc Ñatau Anôtô nê Latu Jesu, aêagêcnêj asagenj ñagêdô gêdêj taunj, aê aoc gêjac Anôtô nanj kêtû ôlênsu aê atomja.”

8 Ñac tau kêsôm binj tonanj gebe Jesu kasôm gêdêj enj gêmunj su gebe “Aôm ñalau ñatêmui, ondec ñamalac tonec ma ôsa ôna.”

9 Go Jesu kêtû kênac enj gebe “Aômnêm ñaê asa.” Ma enj gêjô enj awa gebe “Aêjoc ñaê ‘Legion’, gebe aêac lau taêsam.”

10 Go ketenj Jesu kepenj ducgenj gebe êôc êsêac ôkwi sêsa gamêj tonanj sêna atom.

11 Bôcanô pom kapôêj tenj senj gêj sêmoa gamêj tau ñalôc.

12 Tec ñalau tau tetenj enj gebe “Ôkêj aêac naasêp bôc tônê ñalêlôm ana.”

13 Ma Jesu gêlôc gebe sêna. Tec ñalau ñatêmui sêsa anğa ñamalacnê jasêsêp bôc tonanğ ñalêlôm sêja ma bôc tau topomgenğ sêsabi anğa salic gulunğ tagenğ jasêsêp bu. Bôc tau amboac 2,000 ma sênôm bu su sêjaña.

14 Go lau bôcña sêc jasêsôm ñawae anğa malac to gamênğ ñakêtu gêdô. Tec lau sêmênğ sebe sêlic gênğ tau ñam.

15 Amboac tonanğ dêdênğ Jesu sêja e sêlic ñac, tanğ ñalau ñatêmui taêsam sêpônğ enğ nanğ, nê kauc kêsma ma kêsô ñakwê sa gêngônğ, ñac to Legion tau tônê, ma têtêc tauñ ñanô.

16 Ma êsêac, tanğ matenğanô sêlic gênğ, tanğ kêtap ñac tonğalau ñatêmui ma bôc sa nanğ, sêjac ñaminğ gêdênğ êsêac gêwiñğ.

17 Ma êsêac jatetenğ Jesu gebe êwi êsêacnênğ gamênğ sinğ ma êc êna.

18 Gêdênğ enğ kêpi wanğ nanğ, ñac tau gêmunğenğ ñalau ñatêmui gêgôm enğ nanğ, ketenğ Jesu gebe “Aê jawiñğ aômmanğ.”

19 Mago Jesu gêlôc gêdênğ enğ atom ma kêsôm gêdênğ enğ gebe “Ôpi nêmandu ôndênğ nêmandu lau ôna ma ônac minğ gênğ kapônênğ, tanğ Apômtau gêgôm gêdênğ aôm to taê walô aôm nanğ, êndênğ êsêac.”

20 Tec enğ gêja ma gêjac minğ gênğ kapônênğ, tanğ Jesu gêgôm gêdênğ enğ nanğ, anğa gamênğ Malaclemenğluña. Ma lau samob sê taênğ ñanô.

*Jairi latuo to awê, tanğ kêmoasac Jesunê ñakwê nanğ
(Mat 9:18-26; Luk 8:40-56)*

21 Jesu kêpi wanğ ma gêjac gêngic jakêsô ñamakenğ ônênğa kêtiam. Ma lau taêsam sêkac sa dêdênğ enğ sêja. Ma enğ gêmoa bugêjactorğ ñataligenğ.

22 Ma lômmôkê ten, ênê ñaê Jairi, gêmên e gêlic en ma gêu tau gêc en akaiñña,

23 ma keten en kepen ducgen ma kêsôm gebe “Latuco tecênê gêmac e awa kêtú dambê. Tec ômôên ma ôkên lêmam ênsac en gebe ñajam êsa ma êmoa mata jali.”

24 Tec Jesu gêwiñ en gêja ma lau taêsam têdaguc en e sêkapiñ en sa.

25 Ma awê ten gêjam dec kêtôm jala 12,

26 ma kêtap ñandan kapôên sa anja dokta taêsam nêñ ma kêjaiñ nê awa samob. Mago gêjam en sa atom e gêmac gêjam sêga.

27 Awê tau gênô Jesu ñawae ma gêmên kêsêli lau gêc en dêmôêmuña mênkêmoasac ênê ñakwê,

28 gebe en kêsôm gebe “Aê embe lamoasac ênê ñakwêgen, oc êngôm aê ôlic ñajam êsa.”

29 Kêmoasac e gacgen nê dec kêpa ma kêsâê ôli gebe gêmac gêwi en siñ.

30 Ma Jesu kêsâê seben gebe ñaclai kêsâ anja ênê gêja, tec kêkac tau ôkwi gêdên lau ma kêtú kênac gebe “Asa kêmoasac ñoc ñakwê.”

31 Ma nê ñacsenomi sêsôm gêdên en gebe “Aôm gôlic lau sêkapiñ aôm sa sêmoa, mago kôtu kênac gebe ‘Asa kêmoasac aê.’ ”

32 Ma Jesu kêkac tau ôkwi gebe êlic asa gêgôm gên tau.

33 Mago awê tau kêjala gên, tañ kêtap en sa nan, kêtakê e kêtênêp tau ênduêndu, kêsâ jagêu tau gêc Jesu lanônêmña ma geoc biñ samob lasê gêdên en.

34 Ma en kêsôm gêdên en gebe “Latucoenec, nêm kôkên gêwiñ gêgôm aôm ñajam kêsâ, ôsa totêmtac malôgen ôna ma nêm gêmac êwi aôm siñ.”

35 Kêsôm biñ gêmoa ma lau ñagêdô sêmêñ ança lômmôkênê andu ma sêsôm gebe “Latômo gêmac êndugac, aôm ôiênsôn mêtêmôkê êtu agenña.”

36 Êsêacnêñ biñ gêlêñ Jesu tôn atom ma kêsôm gêdêñ Iômmôkê gebe “Ôtêc taôm atom, ôkêñ êwiñgeñ.”

37 Ma eñ gêlôc gêdêñ lau teñ gebe sêndançuc eñ atom, Petere ma Jakobo agêc lasi Joañ taunçen sêwiñ eñ.

38 Ac jasêo lasê Iômmôkênê andu e gêñô ñaonda ma lau têtan to sêjam tañi sa.

39 Ma kêsô gêja e kêsôm gêdêñ êsêac gebe “Amac agôm ñaonda to atan kêtú asagenña. Ñapalêo gêmac êndu atom, gêc bêcgeñ tec gêc.”

40 Ma êsêac sêomac eñ. Tec kêjanda êsêac samob sêsa sêja ma kêkôc ñapalê têna agêc tama to êsêac, tañ sêwiñ eñ sêja nan, ma kêsô balêm, tañ ñapalêo gêc nan gêja.

41 Jakêkam ñapalêo lêma ma kêsôm gêdêñ eñ gebe “Talita kumi,” tanam ôkwi gebe “Ñapalêo, aê jasôm aôm ôndi sa.”

42 E gacgeñ ñapalêo gêdi sa ma kêsêlêñ, gebe ênê jala kêtú 12. Ma êsêac selendec ñanô.

43 Go eñ gêjac jao ñajaña gêdêñ êsêac gebe lau teñ sêñô ñawae atom, ma kêsôm gebe sêkêñ gêñ ñapalêo tau êniñ. * Legion.

6

*Jesunê lau têtin eñ ança Nasaret
(Mat 13:53-58; Luk 4:16-30)*

* 5:43: Lau Rom sêsam sinwaganêñ ton kapôêñ teñ gebe

¹ Ma Jesu gêwi gamêñ tonañ siñ jagêô lasê tau nê malacmôkê ma nê ñacsenjomi têdaguc enj sêja.

² Gêdênj sabat enj kêdônj mêtê gêmoa lôm ma êsêac taêsam, tañ sênô nanj, têtakê ñanô ma sêsôm gebe “Ñac tonec kêkôc gêñ tonec anja ondoc, ma kauc, tañ enj kêtap sa nanj, amboac ondoc, ma gêñtalô, tec enj lêma gêgôm nec, ñam amboac ondoc.

³ Ñac tonec kamunda, Maria latu ma Jakobo agêc Joses ma Juda agêc Simon tewenji nec. Ma ênê lasiio tec sêmoa sêwiñ aêac nec atom me.” Ma têtû môsi enj.

⁴ Tec Jesu kêsôm gêdênj êsêac gebe “Lau gamêñ tenj tetoc propete tenj sa kwalec atom, tau nê malacmôkê to tau nê lasitêwai ma nê gôlôac tec sêmbu enj.”

⁵ Ma enj kêtôm gebe êngôm gêñtalô tenj anja tonañ atom, tagenj kêkênj lêma gêsac lau togêmac luagêcgenj ma gêgôm êsêac ôliñ ñajam kêsa.

⁶ Ma êsêacnênj sêkênj gêwiñ masiña gêjac ênê Iênô auc.

*Jesu kêsakiñ nê aposolo sêja
(Mat 10:5-15; Luk 9:1-6)*

Jesu gêjac laoc gamêngeñ jakêdônj lau.

⁷ Go gêmôêc êsêac 12 dêdênj enj jakêsakiñ êsêac luagêc-luagêc ma kêkênj ñaclai gêdênj êsêac gebe sêkônij ñalau ñatêmui.

⁸ Go gêlêñ biñ êsêac gebe sêkôc gêñ tenj sêmoa intêna atom, tôc tagenj. Mo masi, atali masi, awa êsêp ômbiñkap atom.

⁹ Mago sêsô nêñ atapa ma sêsô ñakwê luagêc atom.

¹⁰ Go kêsôm gêdênj êsêac gebe “Embe api andu tenj, nanj anjônj tonanjenj e awi gamêñ tau siñ.

11 Malac tenj embe sêkôc amac sa to sêkênj tanen amac atom, nan awi gamênj tonan sinj, ma andônj nakekop, tanj gêc amac emkainj nanj, su êtu nênj geo nabelo tenj êndênj êsêac.”

12 Go nacsenjomi sêsa sêja ma sêjam mêtê gebe lau sênam tauj ôkwi.

13 Ma têtinj njalau sec taêsam sêsa sêja to senj oso lau gêmac taêsam nja niptêkwi ma sêgôm êsêac ôlinj njajam kêsa.

*Njackêsagu Joanj gêmac endu
(Mat 14:1-12; Luk 9:7-9)*

14 Jesunê njaê njawae kêsa e kinj Herodo gênô ma lau sêsôm sebe “Njackêsagu Joanj gêdi sa anja nacamtênênj, tec njac lai kêpoa kêpi enj.”

15 Lau njagêdô sêsôm sebe “Enj Elia,” ma njagêdô sêsôm sebe “Propete tê sêmoa-sêmoa nê nênj tenj.”

16 Mago gêdênj tanj Herodo gênô binj tonan njawae nanj, kêsôm gebe “Joanj tanj kajatu dêdim enj gêsutêkwa gêngic nanj, gêdi sa.”

17 Herodo tau tonanj kêsôm sêkôc Joanj tônj ma sêsô enj tônj gêngônj kapoacwalô. Herodo gêgôm gên tonanj gebe tau gêjam têwa Pilip nê awê Herodia,

18 ma Joanj kêsôm gêdênj Herodo gebe “Gôjam têwannê awê tec keso.”

19 Herodia genj anô-anô Joanj gebe ênac enj êndu, mago gêgôm elêmê,

20 gebe Herodo kêtêc Joanj. Enj kêjala enj gebe enj njac gêdênj to njac dabunj, tec gejob enj. Herodo gênô ênê binj e kêpô lêna tau njasec, mago kêkênj tanja enj gêjac njawaegenj.

21 Ma gêdêñ ñasawa teñ Herodo taê gêjam nê bêc têna kêkôc eñña, tec gêgôm moasiñ kapôêñ gêdêñ nê kiap to kapitai ma laumata Galilaiana.

22 Ma Herodia latuo kêsô jakêtê wê e Herodo to nê ñacleñ sêlic ñajam. Tec Herodo kêsôm gêdêñ ñapalêo gebe “Embe têtmac êwiñ gêñ teñ aña aêñoc ma oteñ, oc jakêñ êndêñ aôm.”

23 Eñ kêtôc lêma ma kêsôm gêdêñ ñapalêo gebe “Gêñ samob, tañ oteñ nañ, oc jakêñ êndêñ aôm. Embe oteñ ñoc gamêñ ñamaken, oc jakenjen.”

24 Tec ñapaño kêsa jakêsôm gêdêñ têna gebe “Aê jaten asagen.” Ma têna kêsôm gebe “Oteñ ñackêsagu Joañ môkêapac.”

25 E ñapalêo kêlêti gacgen kêsô gêdêñ kiñ gêja jaketeñ gebe “Aê gabe galocgen ôkêñ ñackêsagu Joañ môkêapac êsêp laclu teñ êndêñ aê.”

26 Kiñnê ñalêlôm ñawapac ñanô, tagen kêtú kêtôc lêmana to kêtú ñacleña tec eñ gebe ensen biñ su atom.

27 E gacgen kiñ kêsakiñ siñwaga teñ ma kêjatu gebe êkôc Joañ môkêapac êmêñ. Ñac tau gêja e gêdim Joañ gêsutêkwa gêñgic aña andu kapoacwalôña,

28 go kêkêñ môkêapac kêsêp laclu teñ mênkêkêñ gêdêñ ñapalêo, ma ñapalêo kêkêñ gêdêñ têna.

29 Joañnê ñacsenomi sêñô ñawae mênşêkôc ênê ñawêlêlan su jasêkêñ gêc sê teñ.

Jesu gêlôm lau 5,000

(Mat 14:13-21; Luk 9:10-17; Joañ 6:1-15)

30 Aposolo sêkac sa dêdêñ Jesu sêja ma sêjac gêñ samob, tañ sêgôm to têtôn nañ, ñamiñ gêdêñ eñ.

31 Lau taêsam sêja sêmêñ-sêja sêmêñ, ma nêñ ñasawa sêniñ gêñña gêc atom. Tec Jesu kêsôm gêdêñ

êsêac gebe “Ajôc, tana gamêñ ñasawa teñ tamoa nêñ tauñña gebe aniñ awem ñagec.”

³² Tec êsêac sêpi wañ sêsô gamêñ ñasawa teñ sêmoa nêñ tauñña.

³³ Lau sêlic êsêac sêja ma taêsam sêjala êsêac. Tec lau aña malac samob sêsêlêñ sêwiñ tauñ e jasêo lasê gamêñ tau, tañ Jesu to nê ñacseñomi sebe sêmoa nañ, sêmuñ êsêac.

³⁴ Gêdêñ tañ Jesu mênkêsô nañ, gêlic lau toñ kapôêñ ma taê walô êsêac gebe êsêac amboac domba, nañ ñacgejobña masi. Tec gêoc awa sa ma kêdônñ biñ taêsam gêdêñ êsêac.

³⁵ Oc gêja, tec ênê ñacseñomi dêdêñ eñ sêja ma sêsôm gebe “Gamêñ tonec gamêñ sawa ma oc gêja su.

³⁶ Amboac tonañ ôkêñ lau sêc êliñ-êliñ gebe sêna malac to gamêñ ñakêtu gêdô nasênam ôli nêñ gêñ sêniñña.”

³⁷ Tec Jesu gêjô êsêac awen ma kêsôm gebe “Amac taôm akêñ gêñ êsêac sêniñ.” Ma êsêac têtú kênac eñ gebe “Amboac ondóc, aêac ana anam ôli polom ña denari 200 mênjakêñ êsêac sêniñ me.”

³⁸ Ma eñ gêjam kênac êsêac gebe “Amacnêm polom tendocgeñ gêc, ana alic acgom.” Êsêac sêlic su ma mênşêsôm gebe “Polom lemeñ teñ ma i luagêc.”

³⁹ Go eñ kêjatu êsêac gebe samob sêngônñ sic tomôkê-tomôkê sêngônñ gégwanñ ñamêdôb wakuc tonañ.

⁴⁰ Ma lau sêngônñ sic totonñ-totonñ, toñ ñagêdô 100, ñagêdô 50.

⁴¹ Go Jesu kêkôc polom lemeñ teñ to i luagêc tonañ sa mênmata gedec undambê ma gêjam

danĝe, go kêpô polom kêkôc ma kêkêñ gêdêñ ñacseñomi gebe sênac sam êndêñ lau. Ma gêjac sam i luagêc tau gêdêñ êsêac samob.

⁴² Samob señ e gêôc êsêac tôn.

⁴³ Go ñacseñomi sejoñ ñapopoc sa kêsêp gadob 12 e mênĝêc ma i ñagêdôgêdô gêwiñ.

⁴⁴ Ma êsêac, tañ señ polom tau nañ, ñacwaga 5,000.

*Jesu kêsêlêrl gêmoa ñadembom ñaô
(Mat 14:22-33; Joaņ 6:15-21)*

⁴⁵ Ma Jesu kêkac nê ñacseñomi gacgeñ sêpi wañ sêmuñ eñ sêna Betsaida, nañ ĝêc ñamakeñ ônêña, ma eñ tau êmoa e êkêñ lau sêna acgom.

⁴⁶ Eñ kêkêñ lau sêja su acgom, go kêpi lôc ĝêja gebe eteñ mec.

⁴⁷ Oc jakêseñ su ma wañ kêsa e jakêkô ñaluñ ma eñ taugen ĝêmoa baugen ĝêmoa.

⁴⁸ Ma ĝêlic êsêac segolem elêmê gebe mu kêpuc êsêac tôn. Talec kêtañ, go kêsêlêñ ĝêmoa ñadembom ñaôgeñ kasa ĝêdêñ êsêac ĝêja. Eñ gebe êôc lêlêc êsêac êna.

⁴⁹ Ac sêlic eñ kêsêlêñ ĝêmoa ñadembom ñaôgeñ ma sêjam kauc sebe oc balôm teñ, tec sêwakic.

⁵⁰ Êsêac samob sêlic eñ e têtakê. Go eñ awa kêsa sebeñ ma kêsôm ĝêdêñ êsêac gebe “Têmtac êpa su, aê tau tonec, atêc taôm atom.”

⁵¹ Ma eñ jakêpi wañ ĝêwiñ êsêac ma mu kêtú malô. Ma êsêac têtakê e sêñac lemeñ ñanô,

⁵² gebe êsêacnêñ kauc kêsa kêpi biñ polomña atom, nêñ ñalêlôm ñajaña tec ĝêc.

Jesu gêgôm lau gêmâc anġa Genesaret ôlinġ nġam kêsâ

(Mat 14:34-36)

⁵³ Ma sêja e sêpi bau anġa Genesaret ma sêsô wan tôġ.

⁵⁴ Sêsêp anġa wan sêja e gacġen lau sêjala eġ den tagenġ.

⁵⁵ Ma sêlêti sêjam gamêġ aucġen e lau sêbalaġ lau, taġ ġên ġêgôm êsêac naġ, tosac-tosac sêja gamêġ, taġ sêġô ġebe eġ ġêmoa naġ.

⁵⁶ Ma ġêdêġ taġ ġêô lasê malac saunġ to kapôêġ ma gamêġ nġakêtu ġêdô-ġêdô naġ, êsêac sêkêġ lau ġêmâc sec malacluġ kêtômġen ma tetenġ eġ ġebe sêmoasac ênê nġakwê nġataligenġ, ma samob, taġ sêmoasac eġ naġ, tec ôlinġ nġam kêsâ. *

7

Lau nġanô nêġ mêtê

(Mat 15:1-9)

¹ Ma Parisai to biġsutau nġagêdô, taġ sêmêġ anġa Jerusalem naġ, sêkac sa dêdêġ Jesu sêja.

² Ma sêlic ênê nġacsenġomi nġagêdô sêkwasiġ lemenġ atom, senġ ġênġ paliġ-paliġenġ.

³ Parisai to Juda samob senġ ġênġ atom e sêkwasiġ lemenġ su acġom, ġebe têtadac lau nġanô nêġ nġagôlinġ.

⁴ Ma embe anġa gamêġ têtulu ġênġa sêmêġ, naġ sêniġ ġênġ atom e sêlinġ bu su acġom. Ma nġagôlinġ lanġwa nġagêdô taêsam ġêc, taġ têtadac ġêwiġ amboac sêkwasiġ suc to laclu ma ku.

⁵ Amboac tonanġ tec Parisai to biġsutau têtû kênac eġ ġebe “Amboac ondoc, aômniêm nġacsenġomi

* **6:56:** K mwaganêġ a c tagenġa. Alic Mat 18:28

têdaguc lau ñanô nêñ ñagôlinj atom, sêkwasiñ lemenj atom ma señ gêñ.”

⁶ Tec eñ kêsôm gêdêñ êsêac gebe “Jesaia geoc biñ lasê jagêdêngoc kêpi amac dansañtêna amboac teto gêc gebe

‘Lau tonec tetoc aê sa ña gêdônôlicgenj, mago nêñ ñalêlôm gêmoa jaêc aê.

⁷ Êsêac sêjam sakiñ aê kwalec gebe biñsu, tañ êsêac têdônj nañ, ñamalacnêñ biñ ñaômagenj.’

⁸ Anôtônê biñsu nañ amac awi siñ su, ma ñamalacnêñ ñagôlinj lanğwa tec akôc tôñ.”

⁹ Ma kêsôm gêdêñ êsêac gebe “Anôtônê biñsu tec abanac e ñapep sawa gebe amansañ taôm nêñ ñagôlinj lanğwanja.

¹⁰ Mose kêsôm gebe ‘Otoc tamam agêc tênam sa. Ñac teñ embe êsôm biñ sec êpi têna me tama, nañ sênac eñ êndu.’

¹¹ Mago amac tec asôm gebe ‘Ñac teñ embe êsôm êndêñ têna me tama gebe Aêñoc gêñ, tañ taêm kêka amoa nañ, Korban,’ ñam gebe jakêñ êndêñ Anôtô,

¹² go anac jao eñ gebe ênam têna me tama sa êtiam atom.

¹³ Amac ajam Anôtônê biñ auc ña taôm nêñ ñagôlinj lanğwa, tañ adônj gelom-gelom nañ, ma ajam gêñ ñagêdô ôkwi gêwiñ.”

*Geñ tañ gêgôm ñamalac kêtú sec
(Mat 15:10-11, 15-20)*

¹⁴ Go Jesu gêmôêc lau dêdêñ eñ sêja kêtiam ma kêsôm gêdêñ êsêac gebe “Samob añô aêñoc biñ ma nêñ kauc êsa.

15 Gêñ dêmoêña ten embe êsêp ñamalacnê ñalêlôm êna, oc êngôm enj êtu sec atom. Mago gêñ, tanj kêsa anja ñamalac gêmên nan, tec gêgôm enj kêtú sec.” [

16 Ñac tenj nê tanjasunj êñôña êmbe ênêc, nanj êñômanj.]

17 Ma gêdênj tanj gêwi lau sinj kêsô andu gêja nanj, ênê ñacseñomi têtú kênac binjôlinj tau ñam gêdênj enj.

18 Ma enj kêsôm gêdênj êsêac gebe “Ma amac tonec nec, nêñ kauc kêsa atom amboac tonanj me. Ajala atom me. Gebe gêñ samob, tanj anja dêmoêña êsêp ñamalac êna nanj, oc êngôm enj êtu sec atom,

19 gebe kêsêp ênê ñalêlôm gêja atom, kêsêp ñatêtacñagenj gêja e gê su kêtôm gêgôm-gêgôm.” Tec Jesu gêwa gêñ taniñña samob sa gebe ñajam.

20 Ma kêsôm gebe “Tagenj gêñ, tanj kêsa anja ñamalacnê nanj, tec gêgôm ñamalac kêtú sec.

21 Gebe taênj gêjam binj sec kêsa anja ñamalacnênj ñalêlôm, binj mockainjña, genjenj, sêjac ñamalac êndu,

22 dêdim sêmôcwalô gêngic, matenj katu, sêgôm sec ñawaô, binjdananj, wauc-wauctêna, matenj danjucboa, sêsôm binj alôb-alôb, tetoc tauñ sa ma binj meloc.

23 Gêñ sec samob tonanj ñai tec kêsa anja ñalêlôm ma gêgôm ñamalac kêtú sec.”

*Awê tenj kêkênj gêwinj ñajajña
(Mat 15:21-28)*

24 Go Jesu gêdi anja tonanj gêja gamênj Turuñña. Ma kêpi andu tenj gêja ma gebe ênam tau aucgenj e gêgôm jageo.

²⁵ Ma awê ten, tañ latuo saun ñalau ñatêmui gêgôm en nan, gêñô en ñawae ma seben gêja gêu tau gêc en akainja.

²⁶ Awê tau en Heleno, têna kêkôc en anja Suropoinikianja. En keten Jesu gebe êtin ñalau sec anja latuonê êsa êna.

²⁷ Mago Jesu kêsôm gêdên en gebe “Ondecgen, ñapalê sênin nên gên e êôc êsêac tôn acgom. Embe takôc ñapalênên mo su ma tambalin êndên kêamlatu, oc ñajam atom.”

²⁸ Tec awê tau gêjô en awa gebe “Apômtau, mago kêamlatu sen ñapalênên mo ñapopoc sêmoa tebo ñalabugoc.”

²⁹ Ma Jesu kêsôm gêdên en gebe “Kêtu bin tonanja tec ôna. Ñalau sec kêsa anja latômonê gêja su.”

³⁰ Ma en gêmu gêja nê andu e gêlic ñapalêo gêc ma ñalau sec kêsa gêja su.

Tañasunbic to awamê ñajam kêsa

³¹ Ma Jesu gêwi gamên Turunja sin kêtiam kêsa Sidonja e jagêo lasê Malaclemenlu ñagamên gêc bugêjacton Galilaijanja.

³² Go sêkôc tanjasunbic to nê bi ñ kwackwac dêdên en sêja ma teten en gebe êkên lêma ênsac en.

³³ Tec Jesu kêkôc en su anja launên jasêkô taunja, go kêkên lêmalatu kêsô en tanjasun ma kêkasôp to kêmoasac en imbêla.

³⁴ Go mata gedec undambê e kêsê awa su ma kêsôm gêdên en gebe “Epata,” gebe “Ôpoa lasê.”

³⁵ Tec tanjasun kêpoa lasê ma imbêla kêtun golon e kêsôm bin ñanên kêsa,

³⁶ ma Jesu gêjac jao gebe sêsôm ñawae êndênj lau atom. Enj gêjac jao gêmoa, tagenj êsêac sêjac minj binj tau kêtü tapa-tapa sêjac ñawaegeñ.

³⁷ Lau sênjac lemenj ñanô ma sêsôm gebe “Enj gêgôm gên samob ñajam. Tanjensunbic sênô binj ma awenjmê sêsôm binj lasê.” *

8

Jesu gêlôm lau 4,000 (Mat 15:32-39)

¹ Gêdênj tonanjenj lau taêsam sêkac taun sa kêtiam ma nêñ gênj sêninña masi. Tec Jesu gêmôéc nê ñacsenjomi dêdênj enj jakêsôm gêdênj êsêac gebe

² “Aê taêc walô lau tonec gebe sêmoa sêwiñ aê e bêc têlêac samuc ma nêñ gênj sêninña masi.

³ Amboac tonan embe jakênj êsêac têtac sawagenj sêmu sêna nêñ gamênj, oc enkaiñ to lemenj êmac anja intêna, gebe lau gamênj baliñña ñagêdo tec sêwiñ êsêac.”

⁴ Ma ênê ñacsenjomi têtü kênac enj gebe “Aêac takôc mo anja ondóc ma takênj lau tonec sêninñ êôc êsêac tôñ, tamoa gamênj sawa nec.”

⁵ Tec enj kêtü kênac êsêac gebe “Amacnêm polom tendocgenj gêc.” Ma êsêac sêsôm gebe “Polom 7.”

⁶ Ma kêsôm gêdênj lau gebe sênğônj sic sênğônj nom. Ma kêkôc polom 7 tonan mênğêjam danje su, go kêpô kêkôc ma kêkênj gêdênj nê ñacsenjomi gebe sênac sam. Tec sêjac sam gêdênj lau.

⁷ Ma êsêacnênj i palê luagêcgenj gêc, nanj gêjam danje ma kêsôm gebe sênac sam amboac tonan.

* **7:37:** Asam binj, tanj gec Mat 15:2

⁸ Senj e gêoc êsêac tøj, go sejon ñapopoc sa kêsêp gadob 7.

⁹ Ma lau tau amboac 4,000. Ma kêkêñ êsêac sêja.

¹⁰ Go êsêac to nê ñacseñomi gacgen jasêpi wan ten ma jasêo lasê gamêñ Dalmanutaña.

*Parisai teten gêñtalô
(Mat 16:1-4)*

¹¹ Parisai sêsa sêja jaêc sesen taun sêmoa e sebe sênsaê Jesu. Tec sêsôm gebe “Ôñg m gêñtalô undambêña ten.”

¹² Jesu gêñô bin tonan e nê ñalêlôm ñawapacgosu ma kêsôm gebe “Lau têm tonecña sêsôm gêñtalô ten kêtú asagenña. Binñanô, aê jasôm êndên amac gebe Lau têm tonecña oc sêlic gêñtalô ten atomanô.”

¹³ Go gêwi êsêac sin ma kêpi wan kêtiam jakêsô ñamaken ònêña.

*Parisai to Herodo nêñ jist
(Mat 16:5-12)*

¹⁴ Ñacseñomi sêlin polom sin sêkôc gêwin atom, sêkôc ñanô tagen gec wan.

¹⁵ Tec Jesu gêlên bin êsêac gebe “Alic ma ajop taôm ñapep êndên Parisai to Herodo nêñ jist.”

¹⁶ Ma êsêac taên gêjam gêc taunña ma sêsôm gebe “Kec, en kêsôm bin tonan gebe aêc takôc polom gêwin atom.”

¹⁷ Ma Jesu kêjala bin, tañ sêsôm nan, tec kêsôm gêdên êsêac gebe “Kêtú asagenña amac taêm gêjam gêc taomñagen gebe akôc polom gêwin atom. Amacnêm kauc kêsa atom ma ajala bin tonec ñam atom tagen me. Nêm ñalêlôm ñadani kêsa me.

18 Matemanô gêc, mago alic gêñ atom to tanjemsuñ gêc, mago anô binj atom me. Ma taêm gêjam binj atom me.

19 Gêdêñ tanj kêpô polom lemeñ teñ kêkôc gêdêñ lau 5,000 nanj, ajojñ ñapopoc sa kêsêp gadob tendocgeñ.” Ma êsêac sêsôm gêdêñ eñ gebe “Gadob 12.”

20 “Ma gêdêñ tanj kêpô polom 7 kêkôc gêdêñ lau 4,000 nanj, ajojñ ñapopoc sa kêsêp gadob tendocgeñ.” Ma êsêac sêsôm gêdêñ eñ gebe “Gadob 7.”

21 Go eñ kêtú kênac êsêac gebe “Ajala binj tonec ñam atom tageñ me.”

Ñac matapec ñajam kêsa anja Betsaida

22 Jasêô lasê Betsaida ma lau sêkôc matapec teñ dêdêñ Jesu sêja ma teten eñ gebe êmoasac eñ.

23 Tec Jesu kêkam matapec gêdêñ lêma ma gêwê eñ agêc sêsa malac ñamagê sêja, go kêkasôp kêsêp eñ mataanô ma gêu lêma gêsac eñ ma kêtú kênac eñ gebe “Gôlic gêñ teñ me masi.”

24 Ma ñac tau kêsa sa ma kêsôm gebe “Aê galic ñamalac, galic êsêac sêsêññ amboac ka.”

25 Go Jesu gêu lêma gêsac eñ mataanô kêtiam ma kêpuc mata tôñ e mataanô ñawa kêsa ma gêlic gamêñ ñañêñ kêsa.

26 Go kêsakiñ eñ gêja nê andu ma kêsôm gebe “Ôsa malac ôna atom.”

Petere kêsôm Jesu ñam

(Mat 16:13-20; Luk 9:18-21)

27 Go Jesu to nê ñacsenomi dêdi sêsa malac Kaisarea Pilipi sêja. Sêsêlêñ e jasêsa ñadambê teñ ma kêtú kênac nê ñacsenomi gebe “Lau sêsam aê sebe asa.”

28 Ma êsêac sêjô enj awa gebe “Nagêdô sêsôm gebe ñackêsagu Joaņ, ma ñagêdô gebe Elia, ma ñagêdô gebe propetenêj teri.”

29 Go kêtu kênac êsêac gebe “Ma amac taôm nec asam aê abe asa.” Tec Petere gêjô enj awa gebe “Aôm Kilisi tau.”

30 Ma Jesu gêjam êsêac awenj auc gebe sêsôm enj lasê êndênj lau tenj atomanô.

*Jesu geoc êmac êndu to êndi sanja lasê
(Mat 16:21-28; Luk 9:22-27)*

31 Go gêoc awa sa ma kêdônj êsêac gebe “Namalacnê Latu oc êoc ñandanj taêsam ma laumata to dabunjsêga to biņsutau oc têtinj enj to sênac enj êndu. Ma bêc têlêac ênaņa, go êndi sa êtiam.”

32 Enj kasôm biņ tonanj gêc awagenj. Tec Petere gê enj jaagêc sêkô tauņņa ma kêsôm enj.

33 Ma Jesu kêkac tau ôkwi mata gê nê ñacsenjomi ma kêsôm Petere gebe “Sadanj, ôkoc taôm sa naôkô jaêc. Aôm taêm gêjam biņ Anôtônja atom, taêm gêjam biņ ñamalacņagenj.”

34 Go gêmôêc lau to nê ñacsenjomi sêmênj ma kêsôm gêdênj êsêac gebe “Ñac tenj embe taê ênam gebe êsap aê tônj, naņ ênac kapoac tau ma êoc nê kakesoIau êndanjguc aê.

35 Ñac tenj embe êņgôm mocsac gebe êmoa mata jali, naņ oc êmac êndu. Ma tenj embe êmac êndu êtu aê to ñawae ñajamņa, naņ oc êņgônj mata jali.

36 Ñac tenj embe ênsôb gênj nomņa samob sa êtu ênê gênj, mago êjainj katu, oc ênam enj sa amboac ondoc. Oc ênam enj sa atom.

37 Ñamalac oc ênac da katu ña asagenj.

38 Lau mockaino to lau sec tonec nêj teŋ embe maja aê to ŋoc biŋ, oc Ŋamalacnê Latu maja eŋ amboac tonan êndêj têm, tê êmêj to Tamanê ŋawasi ma aŋela dabuŋ sêwiŋ eŋ.” *

9

1 Ma eŋ kêsôm gêdêj êsêac gebe “Biŋŋanô, aê jasôm êndêj amac gebe Êsêac tec sêkô nec, nêj ŋagêdô oc sêmac êndu atomgeŋ e sêlic Anôtônê gôliŋ toŋaclai mênêsa acgom.”

*Jesu ôli kaiŋ teŋ kêsa
(Mat 17:1-13; Luk 9:28-36)*

2 Bêc 6 gêjaŋa acgom, go Jesu kêkôc Petere agêc Jakobo ma Joan sêwiŋ eŋ. Ma gêwê êsêac sêpi lôc ŋatêpôê baliŋ teŋ sêja gebe sêmoa taunja. Ma sêlic eŋ ôl i kêpô tau ôkwi

3 e nê ŋakwê sêpôma kêlêlêc oc ŋaboatilo su.

4 Go Elia agêc Mose seoc taun lasê dêdêj êsêac ma sêjam biŋgalôm sêwiŋ Jesu.

5 Ma Petere gêc awa sa kêsôm gêdêj Jesu gebe “Mêtêmôkê, ŋajam gebe tamoa gamêj tonec. Aêac anam bec têlêac acgom, aômnmê teŋ ma Mosenê teŋ ma Elianê teŋ.”

6 Êsêac têtêc taun ŋanô, tec eŋ gêjam kauc biŋ êsômŋa.

7 Go tao teŋ mêngeŋjam ajuŋ êsêac ma awa teŋ kêsa anga tao tau gêmêj gebe, “Aêŋoc Latuc taŋ têtac gêwiŋ eŋ nan, tau tonec. Akêj taŋem eŋ.”

8 Ma sep tageŋ ac mateŋ geso gamêj e sêlic lau teŋ sêkô sêwiŋ êsêac atom, Jesu taugenj.

* **8:38:** Asam biŋ, taŋ gêc Mat 16:6

⁹ Êsêac sêsêp anġa lôc sêmoa ma eñ ġêjac jao êsê c gebe “Ġêñ tañ alic nan, anac ñamin ġêndêñ ñac teñ atom e Ñamalacnê Latu êndi sa anġa ñacmatênêñ su acgom.”

¹⁰ Êsêac taêñ ġêjam biñ tonan ġêc taunġen sêmoa ma têtù kênac ġêdêñ taun gebe “Êndi sa anġa ñacmatênêñ nec ñam amboac ondodoc.”

¹¹ Go têtù kênac eñ gebe “Amboac ondodoc, biñsutau sêsôm gebe Elia êmêñ êmun acgom”

¹² Tec eñ kêsôm ġêdêñ êsêac gebe “Elia nan êmun ma êsa ġêñ samob ñalanô sa êtiam. Ma teto kêpi Ñamalacnê Latu amboac ondodoc gebe eñ oc êôc ñandan taêsam to têtù kasec eñ.

¹³ Mago aê jasôm êndêñ amac gebe Elia tec ġêmêñ su, ma sêgôm eñ waucwauġen amboac teto kêpi eñ.”

*Ñapalê tonġalau sec ôli ñajam kêsa
(Mat 17:14-20; Luk 9:37-43)*

¹⁴ Ac sêmêñ ma sêô lasê ġêdêñ ñacsenomi ñagêdô ma sêlic lau taêsam sêgi êsêac auc ma biñsutau to êsêac awenșun ġêôc ka taun.

¹⁵ Lau sêlic eñ e ġacġen têtakê ma sêlêti dêdêñ eñ sêja to sê moalêc eñ.

¹⁶ Ma eñ kêtù kênac êsêac gebe “Amac awemșun ġêôc ka taôm kêtù agenña.”

¹⁷ Tec ñac teñ anġa lau taêsam tonan nêñ ġêjô eñ awa gebe “Mêtêmôkê, aê kakôc latuc ġadêñ aôm ġamêñ gebe ñalau awamê ġêgôm eñ.

¹⁸ Ġêñ tau embe êtap eñ sa anġa ñasawa teñ, oc êmônan eñ e awaôpic êsa ma lulun ñakicsêa kikec-kikec e êtu ton lanġwagen. Ma kater nêm ñacsenomi gebe têtin ñalau tau e sêgôm kêtôm atom.”

19 Tec Jesu gêjô êsêac awenj gebe “O amac laukêñ-gêwiñatomwaga, aê jamoa jawiñ amac e êndênj ondoc, ma jaôc amacnêm biñ e êndênj ondocgenj. Akôc ñapalê tau andênj aê amênj.”

20 Ma sêkôc ñapalê tau dêdênj enj sêja. Ma gêdênj tanj ñalau gêlic Jesu nanj, gacgenj kêgasuj ñapalê tau e gêjac tau êndu jagêc nom ma kêsabi tau to awaôpic kêsa.

21 Go Jesu kêtú kênac tama gebe “Gênj tonec gêgôm enj kêtôm jala tendocgenj su.” Ma enj kêsôm gebe “Ñapalêgenj ma gêgôm enj

22 ma kêtinj enj kêpi ja to kêsêp bu kêtú dim taêsam gebe ensenj enj su. Mago aôm embe ôtôm, go taêm walô aêac ma ônam aêac sa.”

23 Ma Jesu kêsôm gêdênj enj gebe “Aôm gônac aê ôkwi gebe Aôm embe ôtôm me. Ñac tanj kêkênj gêwiñ nanj, oc êñgôm gênj samob naêtôm.”

24 E gacgenj ñapalê tama gêmôêc ma kêsôm gebe “Aê kakênj gêwiñ, tagenj kakênj gêwiñ kwalec, tec ônam sa.”

25 Jesu gêlic lau sêwêgenj sêmênj, tec gec biñ ñalau ñatêmui ma kêsôm gêdênj enj gebe “Aôm ñalau awammê to tanjamsujbic, aê jasakiñ aôm gebe Ondec enj ma ôsa ôna, ma ômu ôsô ñac tau nê ñalêlôm ôna êtiam atom.”

26 Ma ñalau kêgasuj enj secanô e kêwakic lasê ma kêsa gêja. Ma ñapalê tau gêc amboac ñacmatê, tec lau taêsam sêsôm gebe “Gêmac êndu su.”

27 Go Jesu kêkam enj kêsêp lêma ma gegenj enj sa jakêkô.

28 Gêc gêmu gêja nê andu acgom, go nê ñacsenjomi têtú kênac enj sêmoa tauñja gebe “Amboac ondoc, tec aêac atinj ñalau tonanj agôm kêtôm atom nec.”

29 Ma Jesu gêjô êsêac awenj gebe “Gênj tenj kêtôm gebe êtiñ gêñ amboac tonanñ ñai su sêsa ñagaô sêna atom, mec tagenj.”

*Jesu geoc êmac êndu to êndi sanja lasê kêtû luagêcña
(Mat 17:22-23; Luk 9:43-45)*

30 Go ac dêdi anja tonanñ sêsa Galilaiagenñ sêja ma enj gebe lau sênô êsêac ñawae atom,

31 gebe enj kêdônñ nê ñacsenjomi ma kêsôm gêdênñ êsêac gebe “Lau sêkênñ Ñamalacnê Latu êsêp ñamalac lemenñ êna nasênac enj êndu. Sênac enj êndu e ñabêc têlêac ênaña su acgom, go êndi sa.”

32 Mago êsêacnênñ kauc kêsa kêpi binj tonanñ atom ma têtêc taunñ tec têtû kênac enj atom.

*Asa êtu ñac kapôênñ
(Mat 18:1-5; Luk 9:46-48)*

33 Jasêô lasê Kapanaum sênjônñ andu acgom, go kêtû kênac êsêac gebe “Amac asôm binj amboac ondoc gêdênñ taôm amoa intêna.”

34 Ma êsêac sêjam taunñ tôñ, gebe anja intêna sêjam kênac taunñ kêpi nêñ asa kêtû ñac towae kêlêlêc êsêac ñagêdô su.

35 Go gêngônñ sic ma gêm êc êsêac 12 mênjkêsôm gêdênñ êsêac gebe, “Ñac tenj embe taê ênam gebe êtu ñamata, nanñ êtu samob nêñ ñamu to samob nêñ sakinjwaga acgom.”

36 Ma kêkôc ñapalê saunñ mênjketoc enj kêkô êsêac ñalunjenñ, go kêmbôênñ enj ma kêsôm gêdênñ êsêac gebe

37 “Ñac tañ kêkôc ñapalê saunñ amboac tonec nêñ tenj sa kêtû ñoc ñaênña nanñ, kêkôc aê sa. Ma ñac, tañ kêkôc aê sa nanñ, kêkôc aê taucgenñ atom, enj kêkôc ñac, tañ kêsakinj aê nanñ sa.”

*Lau taŋ sesen aêac atom naŋ, sêpuc aêac tôŋ
(Luk 9:49-50)*

³⁸ Go Joaŋ kêsôm gêdêŋ eŋ gebe “Mêtêmôkê, aêac alic ŋac teŋ, naŋ kêdaguc aêac atom, kêtinŋ ŋalau sec su ŋa aômnêm ŋaê. Tec ajac jao eŋ, gebe eŋ kêdaguc aêac atom.”

³⁹ Ma Jesu kêsôm gebe “Anac jao eŋ atom, gebe ŋac taŋ êŋgôm gêŋtalô êpi aêŋoc ŋaê, go gacgeŋ êkac awa ôkwi ma êsôm binŋ sec êpi aê naŋ, oc êŋgôm êtôm atom.

⁴⁰ Gebe ŋac, taŋ kêkêŋ kisa gesenŋ aêac atom naŋ, kêpuc aêac tôŋ.

⁴¹ Ŋac naŋ êkêŋ bu laclu teŋ amac anôm êtu Kilisinê lau amacŋa naŋ, jasôm binŋanô êndêŋ amac gebe ŋagêjô ŋajam oc eso eŋ atomanô.

*Tatim lau atom
(Mat 18:6-9; Luk 17:1-2)*

⁴² “Ma ŋac teŋ, naŋ êtim lau saunŋ, taŋ sêkêŋ gêwiŋ aêŋa naŋ, nêŋ teŋ e êtu sec naŋ, lau sêwa poctêmui sa eŋ gêsutêkwa ma sêmbalinŋ eŋ êsêp gwêc êna, go ŋajam.

⁴³ “Lêmam embe êtim aôm, go ôndim êŋgic. Tolêmamkatucgeŋ ôŋgôŋ matam jali, oc ŋajam êlêlêc tolêmam lulugeŋ ôsêp lamboam ŋakêlêndinŋ ŋaja, taŋ kêsa ŋapaŋ naŋ ôna. [

⁴⁴ Gamêŋ naŋ ŋatêmoa to ŋaja êmac atom.]

⁴⁵ Ma amkainŋ embe êtim aôm, naŋ ôndim êŋgic. Toamkatucgeŋ ôŋgôŋ matam jali, oc ŋajam êlêlêc sêmbalinŋ aôm toamkainŋ lulugeŋ ôsêp lamboam ŋakêlêndinŋ ôna. [

⁴⁶ Gamêŋ naŋ ŋatêmoa to ŋaja êmac atom.]

⁴⁷ Ma matamanô teŋ embe êtim aôm, naŋ ôkip sa. Tomatamanô tageŋ ôsô Anôtônê gamêŋ ôna,

oc ñajam êlêlêc sêmbaliñ aôm tomatamanô lulugen ôsêp lamboam ñakêlêndiñ ôna.

⁴⁸ Gamêñ nanñ ñatêmoa to ñaja êmac atom.

⁴⁹ “Sêpalip ja kêpi lau samob kêtôm sêpalip gwêc kêpi gwada.

⁵⁰ Gwêc tau gêñ ñajam, mago gwêc tau ñamakic embe ênaña, oc dangôm ñamakic êsa êtiam amboac ondoc. Gwêc ênêc amacña ma amoa tobiñmalôgen awiñ taôm.”

10

Biñ sêmwâlôña

(Mat 19:1-12; Luk 16:18)

¹ Jesu gêdi anga tonañ jagêô lasê Judaia to gamêñ, tanñ gêc Jordan ñamakenñ ônêña nanñ, ma lau taêsam sêkac sa dêdêñ enñ sêja kêtiam, tec kêdônñ êsêac clmboac gêgôm-gêgôm nanñ kêtiam.

² Ma Parisai ñagêdô dêdêñ enñ sêja sebe sêlêtôm enñ ma têtû kênac enñ gebe, “Ñac tenñ embe êwi nê awê siñ, oc êtôm me masi.”

³ Tec enñ gêjô êsêac awenñ gebe, “Mose gêjac biñsu amac amboac ondoc.”

⁴ Ma êsêac sêsôm gebe, “Mose gêlôc gebe teto papia sêwi awê siñña ma sêwi enñ siñ.”

⁵ Tec Jesu kêsôm gêdêñ êsêac gebe “Enñ keto biñsu tonañ kêtû nêñ ñalêlôm ñadaniña.

⁶ Mago andanñenñ gêdêñ tanñ Anôtô kêkêñ undambê to nom nanñ, kêkêñ awêlu ñac.

⁷ Amboac tonañ ‘ñac oc êwi tama agêc têna siñ ma êsap nê awê tønñ

⁸ ma agêc lulu têtû ôli tagenñ.’ Ma agêc têtôm gêñ luagêc êtiam atom, têtôm ñanô tagenñ.

⁹ Gêñ tañ Anôtô kêkêñ kêkwa tau nañ, ñamalac teñ êkac su atom.”

¹⁰ Jasêñgôn andu acgom, go ênê ñacseñomi têtú kênac eñ kêtú biñ tau tonecña kêtiam.

¹¹ Tec Jesu kêsôm gêdêñ êsêac gebe “Ñac teñ embe êwi nê awê siñ ma ênam teñ, oc êñgôm gêñ mockaiñña,

¹² ma awê teñ embe êwi nê akweñ siñ ma ênam teñ, oc êñgôm gêñ mockaiñña amboac tonañ.”

Jesu gêjam mec ñapalê ñasec-ñasec
(*Mat 19:13-15; Luk 18:15-17*)

¹³ Ma sejoñ ñapalê ñasec-ñasec dêdêñ Jesu sêja gebe êmoasac êsêac. Ma ñacseñomi sec biñ lau.

¹⁴ Jesu gêlic e kêtú môsi ma kêsôm gêdêñ êsêac gebe “Andec ñapalê dêndêñ aê sêmêñ, akô êsêac auc atom, gebe lau tecenañ ñai têtú Anôtônê gamêñ ñatau.

¹⁵ Biññanô, aê jasôm êndêñ amac gebe Ñac tañ êkôc Anôtônê gamêñ sa êtôm ñapalê atom nañ, oc êsô êna atom.”

¹⁶ Go kêmboêñ to gêú lêma gêsac êsêac ma gêjam mec êsêac.

Ñacseñom tolêlôm
(*Mat 19:16-30; Luk 18:18-30*)

¹⁷ Jesu jakêsa intêna acgom, go ñac teñ kêlêti gesen eñ auc jakêpôn aduc gêdêñ eñ ma kêtú kênac eñ gebe “Mêtêmôkê ñajam, aê jañgôm asagen gebe jawê kain jañgôn matoc jali tengeñ.”

¹⁸ Tec Jesu kêtú kênac eñ gebe “Amboac ondóc, kôsam aê gebe ñajam. Ñajam teñ gêmoa atom, Anôtô taugen.

19 Biṅsu tau tec gôṅô su gebe ‘Ônac ṅamalac êndu atom, ôṅgôm gêṅ mockaiṅo to mockaiṅṅa atom, ônam geṅgeṅ atom, ôṅga biṅ atom, ôṅgambec gêṅ atom ma otoc tamam agêc tênam sa.’ ”

20 Ma ṅac tau kêsôm gêdêṅ eṅ gebe “Mêtêmôkê, aê ṅapalêgeṅ ma kamasanṅ biṅ samob tonanṅ kêtû tōṅ aê.”

21 Ma Jesu mata gê eṅ e têtac gêwiṅ eṅ ma kêsôm gêdêṅ eṅ gebe “Gêṅ tagenṅ tec kôpô lêna. Ôna ma ôkêṅ nêṅ waba samob lau sênam ôli ma ôkêṅ ṅaawa êndêṅ lau ṅalêlôm sawa, go nêṅ awa oc ênêc undambê, ma ômôêṅ ôndaṅguc aê.”

22 ṅac tau gêṅô biṅ tonanṅ e laṅôanô kêtû sêp ma kêsâ tonê ṅalêlôm ṅawapacgeṅ gêja, gebe nê waba taêsam.

23 Go Jesu kêsala nê ṅacseṅomi ma kêsôm gêdêṅ êsêac gebe “Lau toawa embe sêsô Anôtônê gamêṅ sêna, oc sêṅgôm elêṅmê.”

24 ṅacseṅomi têtakê kêtû ênê biṅ tonanṅṅa, tec Jesu kêsôm gêdêṅ êsêac kêtiam gebe “ṅapalêac, lau sêsô Anôtônê gamêṅ sênaṅṅa ṅawapac ṅanô.

25 Bôc kamele teṅ oc êsêli êsô so ṅalasê êna ṅagaôgeṅ êlêlêc ṅac tolêlôm teṅ êsô Anôtônê gamêṅ ênaṅṅa su.”

26 Êsêac têtakê ṅanô ma sêsôm gêdêṅ taunṅ gebe “Ai, amboac tonanṅ, asa oc ênam samuc.”

27 Tec Jesu mata gê êsêac ma kêsôm gebe “ṅamalac oc têtôm gêṅ amboac tonanṅ atom. Mago Anôtô eṅ kêtôm, gebe Anôtô gêgôm gêṅ samob jakêtôm.”

28 Ma Petere gêôc awa sa ma kêsôm gêdêṅ eṅ gebe “Ôlic acgom, aêacmêṅ tec awi ma gêṅ samob siṅ ma adaguc aôm.”

29 Ma Jesu kêsôm gebe “Binņanô, aê jasôm êndên amac gebe Nac ten nan êwi nê andu, me lasitêwai, me luio, me têna agêc tama, me ŋapalê, me kôm sin êtu aê to ŋawae ŋajamņa,

30 oc êndên tēm tonec êkôc gêŋ tau ŋagêjô êtu dim 100 êjô andu ma lasitêwai to luio, ma tēnai to ŋapalê ma kôm, ma oc sêjanda eŋ êwiŋ, ma êndên tēm ŋamuŋa oc êŋgôn mata jali tengeŋ.

31 Lau ŋamataŋa taêsam oc tētu ŋamu ma ŋamu oc tētu ŋamata.”

*Jesu geoc êmac êndu to êndi saŋa lasê kētu têtêacŋa
(Mat 20:17-19; Luk 18:31-34)*

32 Êsêac sêsêlêŋ sêmoa intêna sebe sêpi Jerusalem sêna ma Jesu kêsêlêŋ gêmuŋ êsêac ma êsêac têtakê. Ma êsêac, taŋ têdaguc eŋ nan, têtêc taun. Ma kêkôc êsêac 12 sêmoa nêŋ taunŋa kêtiam jagêwa gêŋ, taŋ oc êtap eŋ saŋa nan, ŋam sa gêdên êsêac gebe

33 “Alicgac me, aêac tapi Jerusalem tana, ma oc sêkêŋ ŋamalacnê Latu êndên lau dabuŋsêga to biŋsutau sêkic ênê biŋ, go sêkêŋ eŋ êndên lau samuc.

34 Ma êsêac sêsu eŋ susu to sêkasôp êpi eŋ ma si eŋ, go sênac eŋ êndu. Ma bêc têtêac ênaŋa, go êndi sa.”

*Jakobo agêc Joaŋ teten gêŋ
(Mat 20:20-28)*

35 Ma Sebedai latuagêc, Jakobo agêc Joaŋ, dêdên eŋ sêja ma sêsôm gêdên eŋ gebe “Mêtêmôkê, aêagêc abe ôŋgôm gêŋ, taŋ aêagêc aten êndên aôm nan, ŋanô êsa êndên aêagêc.”

36 Tec Jesu kētu kênac êsêagêc gebe “Amagêc abe aê jaŋgôm asagen ŋanô êsa êndên amagêc.”

37 Go êsêagêc sêsôm gêdêñ enj gebe “Ôkêñ aêagêcma tenj êngôñ nêñ anôña ma tenj êngôñ nêñ gasêña anja nêñ ñawasi ñalêlôm.”

38 Ma Jesu kêsôm gêdêñ êsêagêc gebe “Amagêc ajam kauc gêñ, tañ atenj nanj. Amagêc atôm gebe anôm êsêp laclu, tañ aê janôm êsêpña nanj, ma alinj sanju, tañ aê jalinj nanj me.”

39 Ma êsêagêc sêjô enj awa gebe “Aêagêc atôm.” Ma Jesu kêsôm gêdêñ êsêagêc gebe “Laclu tañ aê janôm êsêp nanj, amagêc oc anôm, ma sanju, tañ aê oc jalinj nanj, amagêc oc alinj.

40 Tagenj aê katôm gebe jakêñ lau sêngôñ ñoc anôña to ñoc gasêña nec atom, gêjac lau, tañ Tamoc kêmasanj kêtû êsêacña nanjenj ñawae.”

41 Êsêac lau 10 sêñô e têtû môsi Jakobo agêc Joanj.

42 Ma Jesu gêmôêc êsêac dêdêñ enj sêja ma kêsôm gêdêñ êsêac gebe “Amac ajalagac gebe lau, tañ seboc têtû lau samuc nêñ gôlinjwaga nanj, sêkôninj êsêac ma nêñ lau kapôêñ sêjam gôlinj êsêac ñajaña.

43 Mago amac amboac tonanj atom. Ñac tenj embe taê ênam gebe êtû amacnêñ ñac kapôêñ, nanj êtû amacnêñ sakinjwaga.

44 Ma tenj embe taê ênam gebe êtû amacnêñ ñamata, nanj êtû amacnêñ gêñôma.

45 Ñamalacnê Latu gêmêñ gebe sênam sakinj enja atom, mago gebe ênam sakinj to êkêñ tau ênac da lau taêsam.”

Matapec tenj ñajam kêsa

(Mat 20:29-34; Luk 18:35-43)

46 Êsêac sêsêlêñ e sêô lasê malac Jeriko. Ma gêdêñ tañ êsêac to nê ñacsenjomi ma lau taêsam sêwê sêsa

anġa Jeriko sêja nañ, Timai latu matapec Batimai keten-keten ġeñ ġeñġoñ intêna ñatali.

⁴⁷ Ñac tonañ ġeñġo ñawae gebe Jesu Nasaretña tau eñ, tec ġêôc awa sa ma ġêmoêc gebe “Dawidnê Latu Jesu, taêm walô aêma.”

⁴⁸ Lau taêsam sec binj eñ gebe “Ônam taôm tôñ,” mago eñ ġêmoêc kêpuc sagenj gebe “Dawidnê Latu, taêm walô aêma.”

⁴⁹ Tec Jesu kêkô ma kêsôm gebe “Amôêc eñ êmêñ.” Ma êsêac sêmôêc matapec tau ma sêsôm ġêdêñ eñ gebe “Têmtac êpa su ma ôndi sa, gebe eñ ġêmoêc aôm.”

⁵⁰ Tec ñac tau kêbaliñ nê ñakwê siñ ma ġêboañ sa ġêdêñ Jesu ġêja.

⁵¹ Ma Jesu awa ġêjac eñ gebe “Aôm gobe jañġôm asagenj êndêñ aôm.” Go matapec kêsôm ġêdêñ eñ gebe “Mêtêmôkê, aê gabe matoc êlac.”

⁵² Ma Jesu kêsôm ġêdêñ eñ gebe “Ôêc ôna, aôm kôkêñ ġêwiñ ġêjam aôm sa.” E gacgenj mata ġêlac ma kêdaguc eñ ġêmoa intêna.

11

Jesu kêsô Jerusalem ġêja

(Mat 21:1-11; Luk 19:28-40; Joaņ 12:12-19)

¹ Ma ġêdêñ tañ êsêac têdabinj Jerusalem jasêsa malac Betpage to Betania, tañ ġêc Lôckatêkwi nañ, Jesu kêsakinj nê ñacsenjomi luagêc

² ma kêsôm ġêdêñ êsêagêc gebe “Agêc asêlêñ apenj malac, tañ ġêc nêmnja nañ, ana ma êndêñ tañ aô lasê nañ, gacgenj andac donki ñalatu teñ sêkô tôñ kêkô, ñamalac teñ ġeñġoñ ñaô kwananjenj atomanô, nañ anġamboac su ma awê amêñ.

³ Nac tenj embe êtu kênac amagêc gebe ‘Agôm tonanj kêtû agenja,’ nanj asôm gebe ‘Apômtau kêpô lêna gêj tau ma oc êsakinj gaôgenj êmu êmênj tonec êtiam.’”

⁴ Tec agêc sêja e dêdac donki njalatu tau sêkô tôj kêkô andu tenj njasacgêdô kêsî malaclunja ma sêgaboac su.

⁵ Ma êsêac, tanj sêkô tônê nanj, nêj njagêdô têtû kênac êsêagêc gebe “Amagêc abe anjô-m asagenj, tec agaboac donki njalatu tonanj su.”

⁶ Ma êsêagêc sêsôm binj, tanj Jesu kêsôm nanj, gêdênj êsêac e sêwi sinj.

⁷ Ma sêwê donki njalatu tau gêdênj Jesu sêja e sêu nêj njakwê gêsac ma Jesu gêngônj njô.

⁸ Ma lau taêsam sêja nêj njakwê gêc intêna ma njagêdô sêja ka njalaunj, tanj sêsapu anja kôm

⁹ ma êsêac, tanj sêmunj to tédaguc nanj, sêmôêc gebe “Osana, alanem enj nanj gêmênj gêjam Apômtau lanjô.

¹⁰ Alanem tamenj Dawid nê gamênj kinja, tanj mênkêsa nanj. Osana êsa anja lôlôc.”

¹¹ Ma enj gêô lasê Jerusalem jakêsô lôm dabunj gêja ma kêsala gêj samob gêmôa. Tagenj oc gêja su, tec enj to êsêac 12 sêsa Betania sêja.

Jesu kêpuc boa jambô

(Mat 21:18-19)

¹² Njabbêc sêwi Betania sinj ma mo gêjô enj.

¹³ Kêkô jaêcgenj ma gêlic jambô tolaunj tenj kêkô, tec kêtû gasuc gêja gebe moae oc êtap jambô njanô tenj sa. Gêja e gêlic njanô tenj atom, njalaunj njômagenj, gebe jambô njanoc atom.

14 Tec kêsôm gêdêñ jambô tau gebe “Êtôm têngen lau tenj oc sêniñ ñanô anğa aômñem tenj êtiam atom-anô.” Ma ênê ñacseñomi sêñô.

Jesu kêjanda lau anğa lôm dabuñ
(Mat 21:12-17; Luk 19:45-48; Joañ 2:13-22)

15 Êsêac jasêô lasê Jerusalem ma Jesu kêsô lôm dabuñ gêja e kêjanda lau, tañ têtulu gêñ sêmoa lôm dabuñ ñalêlôm nañ, sêsa awê sêja ma kêtin sêjam-mone-gêjô-tauwaga nêñ tebo to lau-têtulu-balôsiwaga nêñ lêpôñ piñpon

16 ma gêjac jao gebe ñac tenj êôc gêñ tenj êsêlêñ êmoa lôm dabuñ ñalêlôm atom.

17 Go kêdôñ êsêac ma kêsôm gebe “Teto gêc gebe Anôtô kêsôm gebe ‘Aêñoc andu sêsam gebe ten-tenjlatu samob nêñ andu mecña.’ Mago amac agôm kêtü kêjanğowaganêñ gêsunj.”

18 Lau dabuñsêga to biñsatau sêñô ma dêdib sebe senseñ enj su, gebe têtêc enj gebe lau samob têtakê kêtü ênê mêtêña.

19 Oc gêja su, tec Jesu to nê ñacseñomi sêc sêsa anğa malac tonañ sêja.

Jesu gêwa jambô, tañ kêtü masê nañ, ñabinj sa
(Mat 21:20-22)

20 Ñagelenj ac sêsêlêñ e sêsa gamêñ, tañ jambô kêkô nañ, ma sêlic jambô tau kêtü masê e jakêsêp ñawakac tau gêja.

21 Ma Petere taê gêjam biñ tau, tec kêsôm gêdêñ Jesu gebe “Mêtêmôkê, ôlic jambô, tañ kôpuc boa nañ, tec kêtü masê su.”

22 Ma Jesu gêjô êsêac awenj gebe “Biññanô, aê jasôm êndêñ amac gebe

23 Amac embe akêñ êwiñ Anôtô ma asôm êndên lôc tônê gebe Ômbuc taôm sa nau taôm ôsêp gwêc ôna, ma embe asôm totêmtac lulu atom, akêñ êwiñ gebe biñ oc ñanô êsa, nañ oc êtu têt.

24 Amboac tonañ aê jasôm êndên amac gebe Gêñ samob, tañ aten kêsêp mec ñalêlôm nañ, embe akêñ êwiñ gebe akôc ñanô, oc akôc.

25 Embe naaten nêp mec akô ma nêp biñ ten êndên ñac ten ênêc, nañ asuc ôkwi acgom, gebe Tamemi, tañ gêmoa undambê nañ, êsuc amacnêp keso ôkwi amboac tonañen. [

26 Mago amac embe asuc biñ ôkwi atom, go Tamemi, tañ gêmoa undambê nañ, oc êsuc amacnêp keso ôkwi atom amboac tonañen.]”

*Judawaga têt kênac Jesunê ñaclai ñam
(Mat 21:23-27; Luk 20:1-8)*

27 Ac sêmu sêsa Jerusalem kêtiam ma Jesu jakêsêlên gêmoa lôm dabuñ ñalêlôm, go lau dabuñsêga to biñsatau ma laumata dêdên en sêja

28 ma têt kênac en gebe “Aôm gôgôm gêñ tonañ gôjam ñaclai ondoc lanô. Ma asa kêkên ñaclai tonec gêdên aôm, tec gôgôm gêñ amboac tonañ.”

29 Go Jesu kêsôm gêdên êsêac gebe “Aê gabe jatu kênac biñ ten êndên amac. Ajô aênoc kênac acgom, go jasam ñatau, tañ gêjam aê sa ma gagôm gêñ tau nañ, êndên amac.

30 Joañê sanju nec anga Anôtônê me anga ñamalacnên. Ajô ñoc kênac tonañman.”

31 Ma êsêac taên gêjam gêc taunjen gebe “Embe tasôm gebe anga Anôtônê, en oc êsôm gebe Ma amboac ondoc tec akêñ gêwiñ en atom.

³² Ma embe tasôm gebe Anğa ɲamalacnêɲ, tec tatêc lau gebe samob sêlic Joaɲ gebe eɲ propete teɲ.”

³³ Tec sêjô Jesu awa gebe “Aêac ajam kauc.” Ma Jesu kêsôm gêdêɲ êsêac gebe “Amboac tonan aê jasôm ɲaclai, taɲ gêjam aê sa ma gagôm gêɲ tau nan, êndêɲ amac atom amboac tonan.” *

12

*Binğôliɲ kêpi kôm wainɲa to ɲagejobwaga
(Mat 21:33-46; Luk 20:9-19)*

¹ Jesu gêoc awa sa ma gêjam kêtú binğôliɲ gêdêɲ êsêac gebe “Nac teɲ kêsê wain kôm teɲ ma gêsô tun e kêsô tau, go kêsap sêpip wain ɲamala ma kêkwê andu ɲaatêkwa baliɲ teɲ kêtú sejop kôm tauɲa, go kêmasan bin gêdêɲ lau sênam kôm êpiɲa ma eɲ tau gêja gamêɲbôm teɲ.

² Gêdêɲ ɲanoc eɲ kêsakiɲ sakiɲwaga teɲ gêdêɲ kômwaga gêja gebe êkôc kôm wainɲa ɲanô anğa kômwaganêɲ.

³ Êsêac sêkôc ɲac tau tônia ma si eɲ e sêsakiɲ eɲ lêma sawagen gêmu gêja.

⁴ Go ɲatau kêsakiɲ sakiɲwaga teɲ gêdêɲ êsêac gêmu gêja kêtiam, nan têtuc eɲ kêsêp mômêapac to sêpêlê eɲ.

⁵ Ma kêsakiɲ teɲ gêja kêtiam, nan sêjac eɲ êndu. Ma lau ɲagêdô taêsam sêwiɲ, nan si êsêacnêɲ ɲagêdô ma sêjac ɲagêdô êndu.

⁶ Nac tagen gêmoa, ênê latu, taɲ têtac gêwiɲ eɲ ɲanô. Kêtú ɲamu kêsakiɲ eɲ gêdêɲ êsêac gêja ma kêsôm gebe ‘Êsêac oc tetoc aêɲoc latuc sa.’

* **11:33:** Lambiɲ

7 Gêja e kômwaga tonañ ñai sêsôm gêdêñ taun gebe ‘Ñacgêwê-kainñ-gêñlênsêmwaga tau tonec. Ajôc, tanac enj êndu, gebe gêñlênsêm êtu aêacnêñ.’

8 Go sêkôc enj tôñ e sêjac enj êndu ma sêbaliñ ênê ñawêlêlanj anja kôm wainña kêsa gêja.

9 “Kôm wainña ñatau oc êngôm amboac ondoc. Enj oc êmêñ ma ensenj kômwaga su ma êkêñ kôm wainña êndêñ lau tenj.

10 Biñ tonec amac asam me masi gebe ‘Poc tanj sêkwêwaga sêbaliñ sinj nanj, tec kêtú poc ñakêclêsuña.

11 Gêñ tonañ Apômtau gêgôm, tec matenjanô talic amboac gêñsêga tenj.’ ”

12 Êsêac senj anô-anô sebe sêkôc Jesu tôñ, mago têtêc lau gebe sêjala biñgôlinj tau ñam jakêsêp êsêac taun, tec sêwi enj sinj ma sêc sêja.

Biñ takisña

(Mat 22:15-22; Luk 20:20-26)

13 Ma êsêac sêskinj Parisai to Herodonê lau ñagêdô dêdêñ Jesu sêja sebe sêwa lip enj ña tau nê biñ.

14 Tec sêmêñ ma sêsôm gêdêñ enj gebe “Mêtêmôkê, aêac alic aôm ñac biññanôña, ma gôê go lau tenj atom gebe aôm kôpuc openj lau tenj atom, mago kôdônj Anôtônê intêna ña biññanôgenj. Embe takêñ takis êndêñ kaisara, oc eso aêacnêñ biñsu me masi. Takêñ me takêñ atom.”

15 Mago Jesu kêjala êsêacnêñ dansañ, tec kêsôm gêdêñ êsêac gebe “Amboac ondoc tec abe atim aê. Akêñ denari tenj êndêñ aê jalic acgom.”

16 Tec sêkôc tenj sêja. Ma enj kêsôm gêdênj êsêac gebe “Asa nê ñakatu to ñatalô tonec.” Ma êsêac sêsôm gêdênj enj gebe “Kaisaranê.”

17 Tec Jesu kêsôm gêdênj êsêac gebe “Akênj kaisaranê gênj êndênj kaisara ma Anôtônê gênj êndênj Anôtô.” Tec êsêac sê taênj enj.

Ñacmêté sêndi sa ñabin

(Mat 22:23-33; Luk 20:27-40)

18 Go Sadukai, tañ sêsôm sebe ñacmatê oc sêndi sa atom nanj, dêdênj Jesu sêja ma têtû kênac enj gebe

19 “Mêtêmôkê, Mose keto ñagôlinj tonec gêdênj aêac gebe ‘Ñac tenj têwa embe nê ñapalê masi ma êmac êndu ma nê awêtuc êngônj, nanj lasi ênam ênê awêtuc ma êka gôlôac lasê êjô têwa su.’

20 Amboac tonanj lasitêwai 7 sêmoa, ñacsêga gêjam awê tenj. Enj kêka ñapalê lasê atom ma gêmac êndu.

21 Go lasi, tañ kêsi enj nanj, gêjam awêtuc tau. Enj kêka ñapalê lasê atom ma gêmac êndu. Ma ñac ñawalunj tenj amboac tonanjenj.

22 Êsêac 7 nênj gôlôac masi. Samob sêmac êndu, go awêtuc gêmac êndu kêdaguc.

23 Êndênj noc ñacmatê sêndi sanja enj oc êtu êsêacnênj asa nê awê, gebe êsêac 7 sêjam enj kêtû nênj awê sugac.”

24 Tec Jesu kêsôm gêdênj êsêac gebe “Amboac ondoc ajala binj, tañ teto gêc nanj, to Anôtônê ñaclai atom, tec taêm gêjam binj keso nec.

25 Êndênj tañ sêndi sa anja ñacmatênênj nanj, ñacwaga oc sênam awê atom ma lauo sênam ñac atom, samob têtôm anjela, tañ sêmoa undambê nanj.

26 Binj kêpi ñacmatê sêndi sanja gêc Mosenê buku gêwinj. Amac asam minj kêpi ja kêsa gamênjdani nanj

me masi. Gêdêḅ tonanḅ Anôtô kêsôm gêdêḅ Mose gebe ‘Abrahamnê Anôtô agêc Isaknê Anôtô ma Jakobnê Anôtô aê.’

²⁷ Biḅ tonec ḅam gebe Anôtô kêtú lau matenḅ jali nêḅ Anôtô, kêtú ḅacmatênêḅ Anôtô atom. Amac taêm gêḅam biḅ keso samucenḅ.”

*Biḅsu ḅalô, taḅ kêlêlêc ḅagêdô su nanḅ
(Mat 22:34-40; Luk 10:25-28)*

²⁸ Ma biḅsutaunêḅ tenḅ mênḅgêô lasê e gêḅô êsêac sêpa tauḅ ma gêlic gebe Jesu gêḅô Sadukai awenḅ jagêdêḅenḅ, tec kêtú kênac enḅ gebe “Biḅsu ḅajatu ondóc ḅanô kêlêlêc ḅagêdô samob su.”

²⁹ Jesu gêḅô enḅ awa gebe “Biḅsu ḅamatanaḅ tonec gebe ‘O Israel, ôkêḅ taḅam gebe Apômtau, aêacnêḅ Anôtô, enḅ Apômtau tagenḅ.

³⁰ Têmtac êwiḅ Apômtau, aômnnêm Anôtô, tonêm ḅalêlôm samuc ma nêm katôm samuc ma nêm kauc samuc to nêm ḅaclai samuc êwiḅ enḅenḅ.’

³¹ Ma kêtú luagêcḅa gebe ‘Têmtac êwiḅ lau wacbaḅ aôm amboac têmtac gêwiḅ taôm.’ Biḅsu ḅajatu kêlêlêc tonanḅ su tenḅ gêc atom.”

³² Go biḅsutau kêsôm gêdêḅ enḅ gebe “Mêtêmoê, biḅḅanô, aôm kôsôm jagêdêḅ gebe Anôtô enḅ tagenḅ, tenḅ gêmoa atom, enḅ taugenḅ.

³³ Ma biḅ têntac êwiḅ enḅ tonêḅ ḅalêlôm samuc ma nêḅ kauc samuc to nêḅ ḅaclai samuc êwiḅ enḅenḅ, to biḅ têntac êwiḅ lau mênḅbaḅ aêac amboac têntac gêwiḅ tauḅḅa, nanḅ kêlêlêc daja to da ḅagêdô samob su.”

³⁴ Jesu gêlic enḅ kêsôm biḅ tokauc amboac tonanḅ ma kêsôm gêdêḅ enḅ gebe “Aôm gêmoa jaêc Anôtônê

gamêḡḡa atom.” Ma lau samob têtêc taḡḡ e têtḡ kênac biḡ teḡ gêdêḡ eḡ kêtiam atom.

Kilisi asa nê latu eḡ

(Mat 22:41-46; Luk 20:41-44)

³⁵ Go Jesu kêdôḡ mêtê gêmoa lôḡ dabuḡ ma kêsôm gebe “Amboac ondoc tec biḡsutaḡ sêsôm sebe Kilisi eḡ Dawidnê latu.

³⁶ Dawid tau ḡḡalau Dabuḡ gêôc eḡ awa sa ma kêsôm gebe

‘Apômtau kêsôm gêdêḡ aêḡoc Apômtau gebe

Ôḡḡôḡ aêḡoc anôḡa

e jakêḡ aôḡnêḡ ḡacjo sêḡêc amkaiḡ ḡḡalabu acḡom.’

³⁷ Dawid tau kêsam eḡ gebe ‘Apômtau,’ mapo amboac ondoc tec Kilisi kêtḡ êḡê latu.”

Ma lau toḡ kapôêḡ sêkêḡ taḡeḡ eḡ sêḡac ḡawaeeḡ.

Lau sejop taḡḡ êḡdêḡ biḡsutauneḡ mêtê geo

(Mat 23:1-36; Luk 11:37-54; 20:45-47)

³⁸ Ma Jesu kêdôḡ mêtê gêdêḡ êsêac ma kêsôm gebe “Ajop taôm êḡdêḡ biḡsutaḡ, naḡ sebe sêsêlêḡ toḡakwê baliḡḡeḡ ma sebe lau awerḡ êḡnac êsêac aḡḡa malacluḡ

³⁹ to sebe sêḡnac taḡḡ mata-mata gebe sêḡḡôḡ ḡamatageḡ aḡḡa lôḡ to gamêḡ sêḡiḡ ḡêḡḡa.

⁴⁰ Êsêac tonaeḡ sêḡaḡḡo awêḡtucnêḡ andu su ma sêsabaḡ ḡa mec baliḡ auc. ḡaḡêḡô oc êḡap êsêac sa êlêlêc.”

Awêḡtucnê da

(Luk 21:1-4)

⁴¹ Jesu ḡêḡḡôḡ kêkanôḡ kanom ma mata gê lau, taḡ sêkêḡ awa kêsêḡ kanom naḡ. Ma ḡêlic lau tolêlôm sêkêḡ awa taêsam

⁴² e gêlic awêruc ñalêlôm sawa tej gêmênj kêkênj mone saun luagêc kêsêp kêtôm toea tagenj.

⁴³ Go Jesu gêmôêc nê ñacseñomi dêdênj enj mênkêsôm gêdênj êsêac gebe “Binñanô, aê jasôm êndênj amac gebe Awêruc ñalêlôm sawa tônê kêkênj gênj kêsêp kanom kêlêlêc êsêac samob su,

⁴⁴ gebe lau tau samob sêkôc anja nêj gênj kêlêsuc êsêacña mênjsêkênj kêsêp gêja, mago enj kêpô lêna ñanô, mago kêkênj nê gênj tonê mo samobgenj kêsêp gêja.”

13

Jesu geoc senseñ lôm dabun su ñabinj lasê

(Mat 24:1-2; Luk 21:5-6)

¹ Ma enj kêsa anja lôm dabunj gêmênj ma nê ñacseñominênj tej jakêsôm gêdênj enj gebe “Mêtêmôm kê, ôlic poc to andu nê acgom, têtac kêsa lanjwageñj.”

² Tec Jesu kêsôm gêdênj enj gebe “Aôm gôlic andu kapôênj tônê me. Poc tej oc êngônj poc tej ñaô anja tonec atom, têta samob salinj-salinjgenj.”

Gênjwapac ênac m tau

(Mat 24:3-14; Luk 21:7-19)

³ Jesu jagênjgônj Lôckatêkwi kêkanônj lôm dabunj acgom, go Petere agêc Jakobo ma Joañ agêc Andrea têtú kênac enj sêmoa tauñña gebe

⁴ “Ôsôm êndênj aêac acgom, êndênj ondóc binj tonañ mênjêsa ma asagenj oc êtu gênj tonañ ñai ñanô êsaña ñabelo.”

⁵ Tec Jesu gêoc awa sa ma kêsôm gêdênj êsêac gebe “Alic taôm gebe lau sênam amac ôkwi atom.

6 Lau gwalêkiñ oc sênam aê lañôc sêmêñ ma sêsam tañ gebe 'Aê Kilisi,' ma sênam lau taêsam ôkwi.

7 Ma êndêñ añô siñ ñawae to siñ ñaboña, nañ atakê atom. Gêñ samob tonañ mênêsa, mago noc ñatêku êsuña atom tageñ.

8 Laum teñ sêndi sebe sênac siñ êndêñ laum teñ ma gamêñ teñ êndêñ gamêñ teñ. Ôjô ênam-ênam êtôm gamêñgen ma tôbôm oc êsa. Gêñ samob tonañ ñai gêjac m gêñ ñandan ñanô tau.

9 “Amboac tonañ amac ajop taôm ñapep gebe êsêac oc sêkêñ amac andêñ lau-sêmêtôc-biñwaga ana to si amac aña lôm ma akô gôliñwaga to kiñ lañôñnêmña êtu aêña, gebe awa biñ sa ñañêñgen êndêñ êsêac.

10 Ma sênam mêtê êpi ñawae ñajam êndêñ lau samuc samob sêñô êmuñ acgom.

11 Êndêñ tañ sêwê to sêkôc amac ana nañ, apô sim taôm êtu biñ asômña êmuñ atom. Asôm biñ tê Anôtô oc êkêñ êndêñ amac êndêñ noc tônê nêgen, gebe amac taôm asôm biñ atom, Ñalau Dabuñ tau.

12 Têwa êkêñ lasi êndêñ siñ ma tama êkêñ latu, ma ñapalêo to ñac sêli tañ sa êndêñ teneñi to tamenji ma sênsuñ êsêac e siñ enseñ êsêac su.

13 Ma lau samob têtac endec amac êtu ñoc ñaêña. Mago ñac, tañ êôc gêñwapac totêtac êpa sugen e ñatêku êsu nañ, Anôtô ênam enj kêsi.

Gêñwapac ñanô tau

(Mat 24:15-28; Luk 21:20-24)

14 “Êndêñ tañ alic gêñ alô-alôb êkô gamêñ, tañ gêjac enj ñawae atom nañ, (lau tañ sêsam biñ tonec

nan, nêḡ kauc êsaman) êsêae tan sêḡḡḡ Judaia nan, sêc sêpi lôc sêna.

¹⁵ Ten embe êḡḡḡ salôm ḡaô, nan êsêp naêsô gebe êkôc ḡêḡ su anḡa nê andu atom.

¹⁶ Ma ten embe êmoa kôm, nan êmu naêkôc nê ḡakwê atom.

¹⁷ Ojae lauo, tan sêmoa ten to êsêac, tan sêkêḡ su ḡapalê sêmoa nanḡmêḡ, êndêḡ bêc ônê.

¹⁸ Amboac tonan aten mec gebe êtap amac sa êndêḡ komô atom,

¹⁹ gebe êndêḡ bêc ônê ḡêḡwapac êsa êtôm kêsa ḡêdêḡ tan Anôtô kêkêḡ undambê to nom e mêḡḡêdêḡ galoc atom, ma êtu ḡamu oc êsa amboac tonan êtiam atomanô.

²⁰ Ma Apômtau embe ênac bêc tonan êḡḡic atom, oc lau ten sêḡḡḡ maten jali atom. Mago kêtú lau ḡêdêḡ, tan kêjalin êsêac sa nanḡa, tec ḡêjac bêc tonan ḡêḡic.

²¹ “Ma êndêḡ tônê ḡac ten embe êsôm êndêḡ amac gebe ‘Alic acgom, Kilisi ḡêmoa tonec,’ me ‘Alic acgom, ḡêmoa ônê,’ nan akêḡ êwin atom.

²² Kilisi dansan to propete dansan oc mêḡsêsa ma sêḡḡôm ḡêḡtalô kapôêḡ to ḡêḡsêga. Embe sê ḡôm êtôm, oc sêwê lau Anôtô kêjalin êsêac sanḡa ôkwi amboac tonan.

²³ Amboac tonan ajop taôm, gebe bin samob tec kakêḡ puc amac kwananḡen.

*Namalacnê Latu êmu êmêḡ
(Mat 24:29-31; Luk 21:25-28)*

²⁴ “ḡêḡwapac ḡabêc tonan êmbacnê, go oc ênam kanuc ma ajôn êḡḡamin ḡawê

25 ma utitalata êpôp-êpôp anğa undambê ma gên
 ɲaclai undambêɲa kôtêɲ-kôtêɲgeɲ.

26 Ma êndêɲ tonan oc sêlic ɲamalacnê Latu
 tonaclai kapôêɲ ma tonawasi êngôɲ tao ɲalêlôm
 êmêɲ.

27 Go eɲ êsakin anjela ma sênac lau, nan kêjalin
 êsêac saɲa nan, sa anğa mu aclê ɲam, anğa nom
 ɲamadin e êndêɲ undambê ɲamadin.

Kalelon êkêɲ puc aêac

(Mat 24:32-35; Luk 21:29-33)

28 “Kalelon êtu binğolin êwa nê m kauca sa. Êndêɲ
 tan ɲalaka êlin têkwi to ɲamatadêbu êjac sa nan, ajala
 gebe ockêsa kêdabin.

29 Ma amac amboac tonanğen. Êndêɲ tê alic gên
 samob tonan ɲai mênêsa nê, ajala gebe ɲac tau
 mênkêdabin katam.

30 Binğanô, aê jasôm êndêɲ amac gebe Gôlôac
 tonoc oc sênaɲa atom e gên tonan ɲai samob ɲanô
 êsa acgom.

31 Undambê to nom oc ênaɲa, mago aêɲoc bin oc
 ênaɲa atomanô.

ɲac teɲ kêjala bêc to ockatu atom

(Mat 24:36-44)

32 “Bêc tonan to ɲaockatu ɲac teɲ kêjala atom.
 Anjela undambêɲa sêjam kauca ma Latu gêjam kauca
 amboac tonan, Tama taugen.

33 Alic taôm ma anam jaligen gebe amac ajam
 kauca ɲanoc.

34 Tanam dôn êpi ɲamalac, tan gebe êna gamêɲ teɲ
 nan, ma gêwi nê andu sin. Eɲ kêkêɲ nê sakinwaga

gebe sênam en lajô ma sênam nêj kôm êndêj-êndêjgej. Ma gêjac bijsu njac gejob sacgêdôña gebe ênam jaligenj.

³⁵ Amboac tonaj anam jali, gebe njanoc, taj andu njatau êmu êmêjña nanj, amac ajam kauc, oc êndêj êtula, me êmbêcauc êna lu, me êndêj talec êtaj, me bêbêcgej.

³⁶ Embe êmêj sep tagenj, nanj êtap amac sa amboac aêc bêc atom.

³⁷ Bij taj kasôm gêdêj amac nanj, kasôm gêdêj samob gebe Anam jali.”

14

Sêkic Jesunê bij

(Mat 26:1-5; Luk 22:1-2; Joaj 11:45-53)

¹ Om Pasa to Polom Njalucña njabêc luagêcgej gêc ma lau dabujsêga to bijsutau sêsôm intêna sebe sêkôc Jesu tøj kelecgej ma sênac en ênduña.

² Ma sêsôm gebe “Danjôm êndêj om atom, moae tali launêj njalêlôm sa.”

Awê tej gej oso Jesu anja Betania

(Mat 26:6-13; Joaj 12:1-8)

³ Jesu gej gêj gêjgôj njac tokamocbôm Simon nê andu anja Betania tec awê tej gêmêj kêkôc njop kwalam-kwalam togêjmalu njajamanô, taj njali kapôêj kêlêlêc nanj, mênkêruc njop tau popoc ma kêkêc kêpi Jesu môkêapac.

⁴ Lau njagêdô sêmoa, taj têtû môsi ma sêsôm gêdêj taj gebe “Amboac ondoc sêjainj gêjmalu tonaj.

⁵ Sêkêj gêjmalu tau êndêj lau sênam ôlimanj ma sêkôc êlêlêc denari 300 su ma sêkêj êndêj lau njalêlôm sawa acgom.” Ma êsêac sêsac awê tau.

⁶ Tec Jesu kêsôm gebe “Andec enman, amboac ondoc agôm ênê ñalêlôm ñawapac kêsâ. Enj kêmoasinj aê ñanôgoc.

⁷ Lau ñalêlôm sawa oc sêngôñ sêwiñ amac ñapañ. Embe têtac êwiñ, oc atôm gebe amoasinj êsêac. Mago aê oc jañgôñ jawiñ amac ñapañ atom.

⁸ Gêñ tañ enj kêtôm gebe êñgômña nan, tec gêgômñac. Enj geñ oso aê ôlic kwananğenj kêtû sênsuñ aêña.

⁹ Biñjanô, aê jasôm êndêñ amac gebe Anğa nom samucgenj ñagamêñ embe sênam mêtê êpi ñawae ñajam, oc sênac miñ gêñ, tañ enj gêgôm nanj êwiñ, gebe taêñ ênam enj.”

Juda Isariot gêlôc gebe eoc Jesu lasê

(Mat 26:14-16; Luk 22:3-6)

¹⁰ Go êsêac lau 12 nêñ tenj, Juda Isariot, gêdêñ lau dabunșêga gêja gebe eoc Jesu lasê.

¹¹ Êsêac sêñô e têtac ñajam kêsâ ma sêjac mata gebe sêkêñ mone êndêñ enj. Tec enj gêdib gebe êtap ñasawa ñajam tenj sa gebe eoc enj lasêña.

Jesu geñ Pasa gêwiñ nê ñacseñomi

(Mat 26:17-25; Luk 22:7-14, 21-23; Joañ 13:21-30)

¹² Gêdêñ Om Polom Ñalucña ñabêc ñamataña, tañ sêbuc-sêbuc domba Pasaña nanj, ênê ñacseñomi sêsôm gêdêñ Jesu gebe “Aôm gobe aêac naamansanğamêñ ôniñ Pasa ômoaña ênêc ondoc.”

¹³ Tec Jesu kêkêñ nê ñacseñomi luagêc ma kêsôm gêdêñ êsêagêc gebe “Agêc ana malac, oc andac ñac tenj gegenj ku buña, nanj andanğuc enj

¹⁴ e naaô lasê andu, tañ enj oc êsô êna nanj, ma asôm êndêñ andu ñatau gebe ‘Mêtêmôkê kêtû kênac

aôm gebe Nɔc balêm, taŋ janiŋ Pasa jawiŋ ɲoc ɲacseŋomi naŋ, gêc ondod.’

15 Ma eŋ oc êtôc balêm ɲalêlôm kapôêŋ teŋ êndêŋ amagêc, taŋ gêc ɲadeŋ ɲaôŋa ma sêpô adêŋ kwananŋeŋ naŋ. Tec amansaŋ aêacnêŋ gêŋ amoa balêm tonanŋ.”

16 ɲacseŋomagêc sêsa jasêô lasê malac ma têtap sa kêtôm eŋ kêsôm gêdêŋ êsêagêc, go sêmasaŋ Pasa.

17 Kêtula acgom, go Jesu tonê lau 12 sêwiŋ taun sêja.

18 Senŋ gêŋ sêŋgôŋ ma Jesu kêsôm gebe “Biŋŋanô, aê jasôm êndêŋ amac gebe Amacnêm ɲac teŋ, tec geŋ gê gêwiŋ aê gêmoa nec, oc eoc aê lasê.”

19 Êsêac sêŋô e nêŋ ɲalêlôm ɲawapac kêsa ma sêkêŋ taunŋ tagenŋ-tagenŋ jatêtu kênac eŋ gebe “Oc aê me.”

20 Ma Jesu gêjô êsêac awenŋ gebe “Amac 12 nêŋ teŋ, taŋ kêsac gêŋ tôŋ kêsêp laclu gêwiŋ aê.

21 ɲamalacnê Latu tau oc êsa nê lêŋ êtôm teto gêc. Tagenŋ ojae ɲac tauma, naŋ eoc ɲamalacnê Latu lasê naŋ, têna êkôc eŋ atommanŋ.”

Apômtaunê moasiŋ dabun

(Mat 26:26-30; Luk 22:15-20; 1Kor 11:23-25)

22 Senŋ sêmoa, go Jesu kêkôc polom mênŋgêjam danŋe su ma kêpô kêkôc jakêkêŋ gêdêŋ êsêac ma kêsôm gebe “Akôc êwac, aêŋoc ôlic tonec.”

23 Go kêkôc laclu mênŋgêjam danŋe su ma kêkêŋ gêdêŋ êsêac ma ac samob sênôm kêsêp tonanŋ.

24 Go Jesu kêsôm gêdêŋ êsêac gebe “Aêŋoc dec jamoatiŋ poacŋa tau tonec, taŋ kêkêc siŋ kêtú taêsamŋa.

25 Binjanô, aê jasôm êndênj amac gebe oc janôm wain njanô êtiam atom, e êndênj bêc ônê, go janôm wakuc anga Anôtônê gamêj.”

26 Sêsôm wê moasiŋŋa su acgom, go sêpi Lôckatêkwi sêja.

Jesu kêkêj puc Petere

(Mat 26:31-35; Luk 22:31-34; Joaŋ 13:36-38)

27 Ma Jesu kêsôm gêdênj êsêac gebe “Amac samob oc awi aê siŋ gebe teto gêc gebe ‘Aê janac ŋacgejob ma domba sêc êliŋ-êliŋ.’

28 Mago embe jandi sa su, oc jamuŋ amac jana Galilaia.”

29 Ma Petere kêsôm gêdênj eŋ gebe “Samob embe sêwi aôm siŋ, mago aê taucgeŋ oc masi.”

30 Ma Jesu kêsôm gêdênj eŋ gebe “Binjanô, aê jasôm êndênj aôm gebe Êmbêc tonec talec oc êtaŋ êtu dim luagêc atomgeŋ, ma aôm oc ônsa aê auc êtu dim têlêac.”

31 Ma Petere gêoc lêŋ tau gêc-gêcgeŋ gebe “Sênac aê êndu jawiŋ aômmanj, aê gabe jansa aôm auc atomanô.” Ma êsêac samob sêsôm amboac tonanŋeŋ.

Jesu keteŋ mec gêmoa kôm Getsemane

(Mat 26:36-46; Luk 22:39-46)

32 Go ac sêo lasê gamêj teŋ, ŋaê Getsemane, ma eŋ kêsôm gêdênj nê ŋacseŋomi gebe “Anŋôŋ tonec, aê gabe jateŋ mec acgom.”

33 Ma kêkôc Petere agêc Jakobo ma Joaŋ sêwiŋ eŋ. Eŋ kelendec ma katu kêlênim tau gêmoa,

34 ma kêsôm gêdênj êsêac gebe “Ŋoc katuc ôluŋ-ôluŋgeŋ e gabe jamac. Amoa tonec ma anam jali.”

35 Go kêsa ñasawa gêngic saunġen ġêja e ġêu tau ġêc nom ma ketenġ gebe embe êtôm, go tēm wacpaña êoc lêlêc enġ.

36 Ma kêsôm ġebe “O Tamoc, aôm kôtôm ġênġ samob, ôkôc laclu tonec su anġa aêmanġ. Mago aênoc binġ êtu tônġ atom, aômġenġnêm binġ êtu tônġ.”

37 Go ġêmu ġêja e ġêlic êsêac sêc bêc. Ma kêsôm ġêdêġ Petere ġebe “Simon, aôm ġôêc bêc me. Aôm oc ônam jali ockatu ñasawa tagenġ ôtôm atom me.

38 Anġam jali to atenġ mecmanġ ġebe lêtôm êtap amac sa atom. Nalau ôli palê, mago ôlim tekwm ġêbac.”

39 Go ġêja kêtiam ma ketenġ mec kêsôm binġ tonanġenġ.

40 Ma ġêmu ġêja kêtiam e ġêlic êsêac sêc bêc ġebe matenġanô ñawapac kêsa su ma sêjam kauc binġ sêjô enġ awêġa.

41 Go ġêmu ġêja kêtû dim têlêacpa ma kêsôm ġêdêġ êsêac ġebe “Aêc bêc to alêwanġ taôm amoa me. Kêtômġac, ñanoc tau kêdabinġac. Alicġac me, sêkêġ Namalacnê Latu êsêp lau sec lemenġ.

42 Andi sa ma tawac. Alic acġom, ñac-eoc-aê-lasêwaga mênġkêdabinġac.”

Sêkôc Jesu tônġ

(Mat 26:47-56; Luk 22:47-53; Joaġ 18:2-12)

43 Kêsôm binġ ġêmoa ma ġacġenġ êsêac 12 nêġ tenġ, Juda, kêkôc lau pom tenġ sêoc sinġ to olopoac anġa lau dabunġsêga to binġsuta u ma laumata nêġ sêmêġ.

44 Nac-eoc-enġ-lasêwaga kêkêġ ñabelo tenġ ġêdêġ êsêac ġebe “Nac tanġ jalêsôp enġ alianô nanġ, ñac tau tonanġ. Akôc enġ tônġ ma ajop enġ ñapep ana.”

45 Jagêô lasê e gacgen gêdên Jesu gêja ma kêsôm gebe “Mêtêmôkê,” ma kêlêsôp en alianô.

46 Ma êsêac sêjac lemen kêsêp en ma sêkôc en tôñ.

47 Go êsêac, tañ sêkô sêwiñ Jesu nañ, nêñ ñac ten gêbuc nê siñ sa ma gêjac dabuñsêganê sakiñwaga e kêpa tañalaun su.

48 Ma Jesu awa gêjac êsêac ma kêsôm gebe “Amac amên abe akôc aê tôñ, mago agôm amboac adên kêjanğowaga ten, tec aôc siñ to olopoac gêwiñ.

49 Kêtôm bêcgen gajam mêtê gamoa lôm dabuñ gawin amac ma akôc aê tôñ atom, mago galoc agôm gebe biñ, tañ teto gêc nañ, êtu tôñ.”

50 Ma ñacsenomi s, êwi en siñ ma sêc sêja.

51 Ma ñapalê ten kêdaguc en gêja. En gi tau auc ña obogen. Ma êsêac sebe sêkôc en tôñ.

52 Tec kêpô obo siñ gêcña ma gêc ôli ñaômagen gêja.

Dabuñwaga to laumata sêgôm Jesunê biñ

(Mat 26:57-68; Luk 22:54-55, 63-71; Joan 18:13-14, 19-24)

53 Êsêac sêkôc Jesu dêdên ñac dabuñsêga sêja, ma lau dabuñsêga to laumata ma biñsutau samob sêkac taun sa.

54 Ma Petere gêjac tau susu kêdaguc êñ e jakêsô dabuñsêganê andu ñamalac-luñ gêja jagênğôn gêwiñ sakiñwaga ma kêsêlu ja.

55 Lau dabuñsêga to laumata samob, tañ sêkac sa sêmoa nañ, sêsôm biñ sebe sênğôliñ êpi Jesu gebe senac en ênduña. Mago têtap ten sa atom.

56 Lau taêsam sênğôliñ biñ kêpi en, mago nêñ biñ keso tau samob.

57 Go lau ñagêdô dêdi sa ma sêgôlinj binj kêpi enj gebe

58 “Aêac anjô gebe enj kêsôm gebe Lôm dabunj, tanj sêkwê ña lemenj nanj, aê oc jansenj su ma jakwê tenj êtiam atôm bêc têlêac, janjôm ña lemoc atom.”

59 Sêsôm sêjac ñawaegenj, mago nênj binj keso tau ñapanj.

60 Ma dabunjsêga gêdi jakêkô êsêac ñalunj ma kêtû kênac Jesu gebe “Aôm gobe ôjô binj atom me. Binj amboac ondoc sêgôlinj kêpi aôm.”

61 Mago Jesu gêjam tau tôngenj, gêjô êsêacnênj binj tenj atom. Ma dabunjsêga kêtû kênac enj kêtiam gebe “Aôm Kilisi, ñac tanj alanem enj nanj, Latu aôm me.”

62 Ma Jesu gêjô enj awa gebe “Aec, aê tau tonec. Ma amac oc alic Ñamalacnê Latu êngônj ñanininj Ñatau nê anôña ma êwinj tao undambêña êmênj.”

63 Ma dabunjsêga kêkac nê ñakwê gêngic ma kêsôm gebe “Tapô lêna lau sêsôm binj lasêña ñagêdô êtu asagenja.

64 Binj alôb-alôb tau tec anjôgac. Ma abe amboac ondoc.” Tec êsêac samob sêsôm kêtû tonj gebe “Enj ñac tobij tec êmac êndugenj.”

65 Lau ñagêdô sêkasôp kêpi enj ma sêkwa enj lanjônô auc, go sêmêgôm lemenj ma têtuc enj ma sêsôm gêdênj enj gebe “Oc lasêmanj, asa kêtuc aôm.” Ma sakinjwaga sêkôc enj su to têtap enjenj.

Petere gêsa Jesu auc

(Mat 26:69-75; Luk 22:56-62; Joanj 18:17, 25-27)

66 Ma Petere gêmoa bêbê gêmoa malaclunj ma dabunjsêganê sakinjwagao tenj gêmênj.

⁶⁷ Enj gêlic Petere kêsêlu ja, ma mata gê enj e kêsôm gebe “Aôm tec gôwiņ Jesu Nasaretņa amboac tonañ.”

⁶⁸ Mago enj kêpa tau gebe “Aê kajala ma ñoc kauc kêsa kêpi biņ, taņ aôm kôsôm naņ atom.” Go enj kêsa sacgêdô gêja ma talec kêtaņ.

⁶⁹ Sakiņwagao tau gêlic enj ma kêsôm kêtiam gêdêņ lau, taņ sêkô-sêkô naņ, gebe “Êsêacnêņ ñac teņ tône.”

⁷⁰ Ma enj kêpa tau kêtiam. Saunģenj acgom, go lau, taņ sêkô-sêkô naņ, sêsôm gêdêņ Petere kêtiam gebe “Biņņanôgoc, êsêacnêņ ñac teņ aôm gebe aôm ñac Galilaiaņa teņ.”

⁷¹ Mago enj gêoc awa sa kêpuc boa tau ma kêtôc lêma gebe “Aê kajala ñac, taņ amac asôm ênê biņ naņ atom.”

⁷² Kêsôm biņ tonañ gêmoa e gacģenj talec kêtaņ kêtû dim luagêcņa. Tec Petere taê gêjam biņ, taņ Jesu kêsôm gêdêņ enj naņ, gebe “Talec oc êtaņ êtu dim luagêc atomģenj ma aôm ônsa aê auc êtu dim têlêac.” Taê gêjam birl tonañ ma kêtaņ ñanô.

15

Jesu kêkô Pilata laņônêm

(Mat 27:1-2, 11-14; Luk 23:1-5; Joaņ 18:28-38)

¹ Bêbêc kanucģenj lau dabuņsêga to laumata ma biņsutau to lau ñanô samob sêkac sa jasêsôm biņ kêtû tõe, go sêsô Jesu tõe ma sêkêņ enj gêdêņ Pilata gêja.

² Ma Pilata kêtû kênac enj gebe “Judanêņ kiņ aôm me masi.” Tec Jesu gêjô enj awa gebe “Kôsômģac.”

³ Ma lau dabuņsêga sêgôliņ biņ taêsam kêpi enj.

4 Tec Pilata kêtû kênac enj kêtiam gebe “Aômnêm binj ôjô êsêac awenja gêc atom me. Ôlic acgom, êsêac sêgôlinj binj gwalêkinj kêpi aômgor.”

5 Mago Jesu gêjô binj tenj kêtiam atom, tec Pilata gê taê enj.

*Sêsôm kêtû tôj gebe Jesu êmac endu
(Mat 27:15-26; Luk 23:13-25; Joaņ 18:39-19:16)*

6 Kêtôm omsêgagenj Pilata kêgaboac ñac kapoacwalôņa tenj su gêdênj êsêac kêtôm tetenj.

7 Ma ñac tenj, ñaê Baraba, gêngônj kapoacwalô gêwinj sêli-lausawaga, taņ sêjac ñac tenj êndu gêdênj taņ sêli taunj sa naņ.

8 Tec lau sêpi sêja ma tetenj Pilata gebe êngôm êndênj êsêac amboac gêgôm-gêgôm gêmoa.

9 Ma Pilata gêjô êsêac awenj gebe “Amac abe aê jaņgamboac Judanênj kinj su êndênj amac me masi.”

10 Gebe enj kêjalagac gebe lau dabuņsêga sêkênj Jesu gêdênj enj kêtû têtac secņa.

11 Ma lau dabuņsêga sêli lau sa gebe tetenj Pilata êņgamboac Baraba su êndênj êsêac.

12 Tec Pilata kêtû kênac êsêac kêtiam gebe “Ma enj, taņ asam enj gebe Judanênj kinj naņ, jaņgôm enj amboac ondoc.”

13 Ma êsêac sêmôêc kêtiam gebe “Ônac enj êpi kakesotau.”

14 Ma Pilata kêsôm gêdênj êsêac gebe “Enj gêgôm sec ondoc.” Mago êsêac sêmôêc sêoc aucgenj gebe “Ônac enj êpi kakesotau.”

15 Pilata gebe ênac malô lau têtac, tec kêgaboac Baraba su gêdênj êsêac ma kêsôm si Jesu ma kêkênj enj gêja gebe sênac enj êpi kakesotau.

*Sinjwaga sêsu Jesu susu
(Mat 27:27-31; Joaņ 19:2-3)*

16 Sinjwaga sêwê Jesu sêja gôliņ-waganê andu ma sêkalem sinjwaga samucgeņ sa.

17 Go sêkêņ eņ kêsô ñakwê asôsamuc teņ ma sêmoê okêm kêtı sunsuņ jasêkêņ eņ kêkuc.

18 Ma aweņ gêjac eņ to sê moalêc eņ gebe “Judanêņ kiņ, ômoa ñajamôņ.”

19 Ma si eņ ña ôpic kêsêp mômêapac to sêkasôp kêpi eņ, ma sêpôņ aenđuc to aweņ gêôc eņ.

20 Sêsu eņ susu su acgom, go sêkwalec ñakwê asôsamuc naņ su ma sêu tau nê ñakwê gêsañ eņ kêtiam. Ma sêwê eņ sêsa sêja sebe sênac eņ êpi kakesotau.

*Sêjac Jesu kêpi kakesotau
(Mat 27:32-44; Luk 23:26-43; Joaņ 19:17-27)*

21 Sêsa sêja e dêdac ñac teņ kêsı anğa kôm gêmêņ, Alesandere agêc Rupu tamenji Simon anğa Kurene. Tec sêkac eņ g ebe êôc Jesunê kakesotau.

22 Ma sêkôc Jesu sêpi gamêņ Golgata sêja, tanam ôkwi gebe “Gamêņ mokê-lacņa.”

23 Ma sêsuņ wain togêņ ñamakic gêdêņ eņ gebe ênôm e gedec.

24 Sêjac eņ kêpi kakesotau su, go sebe sênac sam ênê ñakwê, tec sêpuc kapoac gebe sêlic asa oc êkôc asageņ.

25 Oc mênģic lauņ sa ma sêjac eņ kêpi kakesotau gêja.

26 Ma teto ñabiņ gêwiņ gebe “Judanêņ kin tonec.”

27 Ma sêjac kêjaņgowaga luagêc sêpi kakesotau sêwiņ eņ, teņ geņkaleņ ênê anôņa ma teņ geņkaleņ ênê gasêņa. [

28 Tec biñ, tañ teto gêc nañ, gebe “Sêsam enj gêwiñ lau sec” nañ, kêtú tòn.]

29 Ma lau, tañ sêwê sêja sêmênj semoa nañ, tédainj gêsunj ma sêsôm biñ alôb-alôb kêpi enj gebe “Op, aôm tau, tañ gobe onsenj lôm dabunj su ma ôkwê sa êndênj bêc télêac nañ,

30 ônam taôm sa ma ôsêp anja kakesotau ômôênjmañ.”

31 Lau dabunjsêga to biñsutau sêsu enj susu amboac tonañ to sêsôm gêdênj taunj gebe “Lau ñagêdô tec gêjam êsêac sa, mago gêjam tau sa jakêtom atom.

32 Kilisi, Israelnênj kinj, êsêp anja kakesotau êmênjmañ, go talic ec takênj êwiñ enj.” Ma êsêagêc, tañ sêjac agêc sêwiñ enj nañ, têtanj pêlê enj amboac tonanjenj.

Jesu gêmac êndu

(Mat 27:45-56; Luk 23:44-49; Joan 19:28-30)

33 Gêdênj tañ oc kêkô ñalunj nañ, gêsunjbôm gêjam gamênj samucgenj auc e gêdênj ocmata.

34 Ma gêdênj ocmata tonañ Jesu gêmôêc awa kapôênj gebe “Êli, Êli lama sabatani,” tanam ôkwi gebe “Aênoc Anôtô, aênoc Anôtô, amboac ondoc gôwi aê sinj.”

35 Ma lau ñagêdô, tañ sêkô ñagala nañ, sênjô tec sêsôm gebe “Kec, enj gêmôêc Elia.”

36 Ma ñac tenj kêlêti gêja kêsac mêckelep tònj kêsêp bu ñamakic ma jagêsunj gêdênj enj gênôm ma kêsôm gebe “Akôgenj ma talic acgom, Elia oc mênjêkôc enj su me masi.”

37 Go Jesu gêmôêc awa kapôênj ma gêmac êndu.

³⁸ Ma obo baliņ, taņ geņkaleņ lôm dabuņ naņ, kêkac tau gêņgic gêja luagêc anġa ŋaô e jakêsu ŋalabu.

³⁹ Ma kapitai, taņ kêkô kêkanôņ Jesunê kakesotau naņ, kêkô e gêlic Jesu gêmac êndu amboac tonan ma kêsôm gebe “Ŋac tonec Anôtônê Latu eņ biņņanôgoc.”

⁴⁰ Lauo ŋagêdô sêkô ec jaêcgeņ ma sêlic sêwiņ. Êsêacnêņ ŋagêdô tonec Maria Magdalaņa ma Jakobo saun agêc Joses teneņi Maria ma Salome.

⁴¹ Gêdêņ taņ Jesu gêmoa Galilaia naņ, lauo tonan têdaguc eņ ma sêjam sakiņ eņ. Ma ŋagêdô taêsam, taņ sêpi Jerusalem sêwiņ eņ sêja naņ, sêkô sêwiņ amboac tonan.

Sêsuņ Jesu

(Mat 27:57-61; Luk 23:50-56; Joaņ 19:38-42)

⁴² Ŋakêtula ma sêmasaņ taunġe gebe ŋaelen oc sêlic sabat.

⁴³ Tec kasêga towae teņ, ŋaê Josep anġa Arimatia, gêmêņ, taņ gêôņ Anôtônê gamêņ amboac tonan naņ. Eņ taê kêpa sugenġ kêsô gêdêņ Pilata gêja ma ketenġ Jesunê ŋawêlêlanġ.

⁴⁴ Pilata gêņô gebe Jesu gêmac êndu su, tec gê go ma gêmôêc kapitai tau mênkêtu kênac eņ gebe “Ŋac tau gêmac êndu su me.”

⁴⁵ Eņ gêņô kêtu katô anġa kapitainê, tec gêwi ŋawêlêlanġ siņ gêdêņ Josep.

⁴⁶ Ma Josep gêjam ôli obo kwalam-kwalam teņ ma jakêkôc eņ su anġa kakesotau mênkêsabanġ eņ kêsêp obo tonan ma ketoc eņ gêc sêô teņ, taņ sêsap kêsêp poc naņ, ma kêsabi poc jagêsaņ sêawa auc.

⁴⁷ Ma Maria anğa Magdala agêc Joses têna Maria sêlic gamêñ, tañ tetoc eñ gêc nañ.

16

Jesu gêdi sa

(Mat 28:1-8; Luk 24:1-12; Joaņ 20:1-10)

¹ Sabat gêbacnê acgom, go Maria anğa Magdala agêc Jakobo têna Maria ma Salome sêjam ôli gêñmalu sebe nasêniñ oso eñ.

² Tec woke ñabêc ñamataña gêdêñ bêbêc kanucgeñ jasêo lasê sêo, go oc kêpi.

³ Ma sêsôm gêdêñ tauñ gebe “Asa ênsambi poc anğa seawa su êndêñ aêac.”

⁴ (Gebe poc tau kapôêñ.) Sêoc mateñanô sa e sêlic poc tau sêsabi su.

⁵ Tec sêsô sêlêlôm sêja e sêl ic ñac matac teñ to ñakwê sêpsêp baliñ gêñgôñ kêsi anôña ma selendec.

⁶ Ma eñ kêsôm gêdêñ êsêac gebe “Alendec atom. Amac asôm Jesu Nasaretna, tañ sêjac eñ kêpi kake-sotau nañ. Eñ gêdi sa su, gêmoa tonec atom. Alic, mala tañ tetoc eñ gêc nañ tonec.

⁷ Ana ma asôm ñawae êndêñ ênê ñacseñomi to Petere geñe Eñ oc êmuñ amac êna Galilaia, oc alic eñ anğa ônê êtôm biñ, tañ kêsôm gêdêñ amac nañ.”

⁸ Tec lauo tau sêsa anğa sêo sêc sêja gebe têtênêp e katunğêjaña. Ma sêsôm biñ teñ gêdêñ lasi teñ atom gebe têtêc tauñ.

Jesu yeoc tau lasê gêdêñ Maria Magdalaña

(Mat 28:9-10; Joaņ 20:11-18)

⁹ Jesu gêdi sa gêdêñ woke ñabêc ñamataña gêdêñ bêbêc kanucgeñ su acgom, go geoc tau lasê gêdêñ

Maria anġa Magdala, taŋ kêtin ŋalau sec 7 anġa ênê sêsa sêja naŋ, kêtu ŋamata.

¹⁰ Awê tau gêja ma kêsôm ŋawae gêdên nê lau, taŋ sêmoa sêwiŋ eŋ naŋ. Êsêac sêmoa tonên ŋalêlôm ŋawapacgeŋ ma têtai.

¹¹ Êsêac sênô gebe Jesu gêmoa mata jali ma awê tau gêlic eŋ, mago sêkên gêwiŋ atom.

*Jesu geoc tau lasê gêdên ŋacseŋomi luagêc
(Luk 24:13-35)*

¹² Tonaŋ su acgom, go Jesu geoc tau lasê gêjam ŋac teŋ laŋô gêdên êsêagêc ŋac luagêc, taŋ sêsêlên sêmoa gamên ŋasawa teŋ.

¹³ Naclagêc tonaŋ sêja sêsôm ŋawae gêdên lau ŋagêdô, mago sêkên gêwin êsêagêc atom amboac tonanġeŋ.

*Jesu geoc tau lasê gêdên nê aposolo
(Mat 28:16-20; Luk 24:36-49; Joaŋ 20:19-23)*

¹⁴ Kêtu ŋamu eŋ geoc tau lasê gêdên lau 11 gêdên taŋ seŋ gên sênġôn tebo, ma kêsôm êsêac kêtu sêkên gêwiŋ atom to kêtu nêŋ ŋalêlôm ŋadaniŋa, gebe êsêac sêkên gêwiŋ lau, taŋ sêlic eŋ gêdi sa ŋanô naŋ, nêŋ biŋ atom.

¹⁵ Ma kêsôm gêdên êsêac gebe “Atôm nom ŋagamên samob ana ma anam mêtê ŋawae ŋajam êndên ŋamalac pebeŋ.

¹⁶ Lau taŋ sêkên gêwiŋ ma sêlin saŋgu naŋ, Anôtô oc ênam êsêac kêsi. Ma êsêac, taŋ sêkên gêwiŋ atom naŋ, oc sênaŋa.

¹⁷ Gêŋtalô tonec oc êwiŋ lau-sêkên-gêwiŋwaga gebe têtin ŋalau sec su sênam aê laŋôc to sêsôm biŋ ŋa awenġ wakuc,

18 lemeŋ sêkôc moac sa ma embe sênôm gêŋ ŋamalic teŋ, oc êmalic êsêac atom, sêu lemeŋ ênsac lau gêmac ma oc ŋajam êsa.”

Jesu kêpi undambê gêja

(Luk 24:50-53; Apos 1:4-11)

19 Apômtau Jesu kêsôm biŋ gêdêŋ êsêac su acgom, go Anôtô kêsuŋ eŋ sa kêpi undambê jagêŋgôŋ ênê anôŋa.

20 Ma ŋacsenomi taun têtôm gamê samob sêja ma sêjam mêtê kêtôm gamêŋgeŋ ma Apômtau gêjam kôm gêwiŋ êsêac to kêpuc nê biŋ tôŋ ŋa gêŋtalô, taŋ gêgôm naŋ.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 18 Apr 2025 from source files dated 31 Aug 2023

447e01c5-a375-5452-ae54-b3f890293eeb